



**REPUBLIKA E SHQIPËRISË**  
**KOMISIONI I PROKURIMIT PUBLIK**

Nr.717/6 prot

Datë 19.03.2026

**V E N D I M**  
**Nr. 408/2026**

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Gjergj Mersini	Anëtar

Në mbledhjen e datës 19.03.2026 shqyrtoi kërkesën me:

**Objekt:**

Vendim për mbylljen e çështjes për pjesën e pranuar të ankesës së operatorit ekonomik “SoLed” SHPK për procedurën e prokurimit “Procedurë e hapur, mbi kufirin e lartë monetar – Mallra – Prokurim me mjete elektronike, Marrëveshje kuadër me një operator ekonomikë, ku të gjitha kushtet janë të përcaktuara, me afat 12 muaj nga nënshkrimi”, me REF-77193-02-24-2026 me objekt: “Blerje materiale mjekimi konsumabel dhe kirurgjikale”, me fond limit 16,341,122.67 (gjashtëmbëdhjetë milion e treqind e dyzet e një mijë e njëqind e njëzetë e dy pikë gjashtëdhjetë e shtatë ) Leke pa TVSH ose 169,654.51 (njëqind e gjashtëdhjetë e nëntë mijë e gjashtëqind e pesëdhjetë e katër pikë pesëdhjetë e një) Euro Pa TVSH, parashikuar për tu zhvilluar në datën 27.03.2026 nga autoriteti kontraktor, Operatori i Blerjeve të Përqendruara sh.a.

Vazhdimi i procedurës së shqyrtimit në themel për pjesën tjetër të ankesës.

Modifikimi i dokumenteve të procedurës së prokurimit të mësipërme

**Ankimues:**

Operatori ekonomik “SoLed” SHPK me NIPT M42026032D dhe adresë: Kompleksi Lake View, Rruga Kristo Luarasi, Godina B, Kati 4, Hyrja B03, Tiranë

**Autoriteti Kontraktor:**

Operatori i Blerjeve të Përqendruara sh.a.

Rruga “Rreshit Çollaku” Godina Nr. 6/337, Tiranë (në krah të Gjykatës së Lartë), Tiranë

**Baza Ligjore:**

Ligji nr. 162/2020 “Për Prokurimin Publik”, neni 24 e vijues, Vendimi i Komisionit të Prokurimit Publik Nr. 766/2021, datë 13.10.2021 “Për miratimin e rregullave “Për Organizimin dhe Funksionimin e Komisionit të Prokurimit Publik”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi shqyrtoi informacionin e paraqitur

**Vëren:**

**I**

*Vlerësimi Paraprak*

I.1. Vlera limit e përlloritur për procedurën e prokurimit objekt-ankimi është mbi kufirin e lartë monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “Për prokurimin publik” i ndryshuar dhe Rregullat e Prokurimit Publik.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “Për prokurimin publik”.

I.4. Ankimuesi ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

**II**

*Rrethanat e çështjes*

II.1. Në datën 25.02.2026 është publikuar në Sistemin e Prokurimeve Elektronike procedura e prokurimit prokurimit “Procedurë e hapur, mbi kufirin e lartë monetar – Mallra – Prokurim me mjete elektronike, Marrëveshje kuadër me një operator ekonomikë, ku të gjitha kushtet

janë të përcaktuara, me afat 12 muaj nga nënshkrimi”, me REF-77193-02-24-2026 me objekt: “Blerje materiale mjekimi konsumabel dhe kirurgjikale”, me fond limit 16,341,122.67 (gjashtëmbëdhjetë milion e treqind e dyzet e një mijë e njëqind e njëzetë e dy pikë gjashtëdhjetë e shtatë ) Leke pa TVSH ose 169,654.51 (njëqind e gjashtëdhjetë e nëntë mijë e gjashtëqind e pesëdhjetë e katër pikë pesëdhjetë e një) Euro Pa TVSH, parashikuar për tu zhvilluar në datën 27.03.2026 nga autoriteti kontraktor, Operatori i Blerjeve të Përqendruara sh.a.

II.2. Në datën 05.03.2026 nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me numër ankimi elektronik A/2026/6392 dhe me nr. 7174 prot., datë 05.03.2026 e operatorit ekonomik “SoLed” SHPK me anë të së cilës ka kërkuar modifikimin e dokumenteve të procedurës së prokurimit objekt-ankimi si më poshtë:

*[...]Në datë 25.02.2026 në SPE është publikuar procedura e prokurimit me nr. REF-77193-02-24- 2026 dhe objekt “Blerje materiale mjekimi konsumabel dhe kirurgjikale.*

*Bazuar në nenin 110 të LPP nr. 162/2020 datë 23.12.2020 i ndryshuar dhe nenin 97 të V.K.M. nr. 285 datë 19.05.2021 “Për RrPP” i ndryshuar, po paraqesim këtë formular ankese duke kërkuar modifikimin e dokumentave të tenderit.*

*Në dokumentat e tenderit është parashikuar: Afati i Skadencës: Data e përfundimit të përdorimit (skadencia) duhet të jetë i shënuar në ambalazh. Afati i skadencës duhet të jetë jo me i vogël se 18 (tetëmbëdhjetë) muaj nga data e lëvrimit të mallit në destinacion.*

*Në gjykimin tonë, kërkesa për 18 muaj skadencë të produkteve tejkalon kohëzgjatjen e kontratës (12 muaj), nuk është e lidhur drejtpërdrejt me nevojën reale funksionale të autoritetit kontraktor dhe kufizon pjesëmarrjen e operatorëve ekonomikë që furnizojnë produkte standarde të tregut.*

*Një kërkesë konsiderohet proporcionale vetëm kur është e domosdoshme për realizimin e objektit të kontratës dhe nuk shkon përtej nevojës reale. Në rastin konkret, kërkesa për 6 muaj shtesë përtej periudhës kontraktuale është e pajustificuar nga AK.*

*Ligji 162/2020 “Për prokurimin publik” i ndryshuar, parashikon që specifikimet teknike duhet të sigurojnë akses të barabartë për operatorët ekonomikë dhe të mos krijojnë pengesa të pajustificuara për hapjen e prokurimit ndaj konkurrencës.*

*Vendosja e një afati minimal skadence 18 muaj nuk lidhet me ndonjë standard sigurie të detyrueshëm ligjor, nuk justifikohet me analizë risku dhe as nuk është kërkesë e detyrueshme nga legjislacioni farmaceutik apo sanitar për dezinfektantë.*

*Në praktikën e tregut për materiale mjekimi dhe dezinfektantë, afati minimal i zakonshëm i kërkuar është 12 muaj nga data e lëvrimit.*

*Kërkesa aktuale krijon pengesë artificiale për operatorët ekonomikë që disponojnë produkte me 12–15 muaj skadencë të mbetur, të cilat janë plotësisht të sigurta dhe të përdorshme brenda periudhës kontraktuale.*

*Nga ana tjetër, autoriteti kontraktor nuk ka paraqitur analizë të dokumentuar mbi nevojën për 18 muaj, nuk ka argumentuar rrezik konkret që kërkon 6 muaj shtesë përtej kontratës dhe mbi të gjitha nuk ka justifikuar pse 12 muaj nuk janë të mjaftueshëm.*

*Në mungesë të një justifikimi objektiv, kërkesa rezulton arbitrare dhe në kundërshtim me parimin e proporcionalitetit.*

*Në përfundim kërkesa për 18 muaj skadencë kufizon furnizimin nga stoqet ekzistuese të tregut, detyron operatorët të sigurojnë prodhim specifik dhe rrit kostot operative dhe çmimin*

e ofertës. Kjo bie ndesh me detyrimin e autoritetit kontraktor për përdorimin me eficiencë të fondeve publike. Një kërkesë e panevojshme teknike që rrit artificialisht çmimin çënon interesin publik. Në procedura të ngjashme për furnizime me materiale mjekimi dhe dezinfektantë afati minimal i kërkuar zakonisht është 12 muaj nga data e lëvrimit dhe në disa raste përcaktohet skadencë proporcionale me kohën e furnizimit.

Kjo konfirmon se 12 muaj është standard i mjaftueshëm dhe në përputhje me praktikën e tregut. Sa më sipër kërkojmë rishikimin e kriterit për afatin minimal të skadencës dhe përcaktimin e tij në 12 muaj nga data e lëvrimit, si një kërkesë e arsyeshme, proporcionale, në përputhje me praktikën e tregut dhe që garanton sigurinë dhe përdorimin efektiv të produkteve gjatë periudhës kontraktuale.

Në kriteret e veçanta të kualifikimit është kërkuar:

1. Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, në vlerën jo më pak se 40% e vlerës së fondit limit. Këto furnizime të mëparshme, të ngjashme, duhet të vërtetohen me dokumentacionin si më poshtë:

a) Kur furnizimet e ngjashme janë realizuar me ente publike, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi dhe të deklaruara në organet tatimore, ku shënohen datat, shumat dhe sasi të mallrave të furnizuara

b) Kur furnizimet e ngjashme janë realizuar me subjekte private, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi dhe të deklaruara në organet tatimore, ku shënohen datat, shumat dhe sasi të mallrave të furnizuara.

Neni 40/4 i VKM nr. 285, datë 19.5.2021 “Për Miratimin e Rregullave të Prokurimit Publik” i ndryshuar, parashikon se: Neni 40 Kërkesa të veçanta për kontratat e mallrave

4. Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të madhe se 40% të vlerës së përllogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës.

Autoriteti/enti kontraktor si dëshmi për përvojën e mëparshme kërkon vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara. Bazuar në dispozitën ligjore të mësipërme kërkojmë nga njësitë e hartimit të dokumentave të tenderit që në riformulimin e këtij kriteri të kenë parasysh mospërdorimin e shprehjes “jo më e vogël” duke e zëvendësuar atë me shprehjen “jo më e madhe” ose me përcaktimin e një vlere minimale që nuk tejkalon vlerën 40% të vlerës së fondit limit që prokurohet psh jo më të vogël se 20% apo 30% apo 35% e kështu me rradhë por pa e tejkalluar vlerën 40 % të vlerës së fondit limit që prokurohet.

Në kriteret e veçanta të kualifikimit është kërkuar:

8. Per artikujt objekt prokurimi të shenjuar me asterisko (\*), ofertuesi duhet të paraqesë mostra në ditën e hapjes/dorëzimit të ofertave, me datë . .2026 ne orën 11:00. Dorëzimi i Kampioneve/mostrave, të behet pranë Operatorit të Blerjeve të përndryshara, me adresë "Rruga "Reshit Collaku", Godina Nr.6/337, Tiranë (në krah të Gjykatës së Lartë)", të mbyllura në një zarf/kuti jo transparente të vulosur mbi të cilin të shenohet:

"Mos e hapni me përjashtim të rasteve kur është i pranishëm Komisioni i Vlerësimit të Ofertave të procedurës së prokurimit: "“Blerje materiale mjekimi konsumabel dhe kirurgjikale.”, dhe jo para datës . /2026, ora 11:00 (\*Data e hapjes/dorëzimit të Ofertave).

– Se bashku me mostrat ofertuesi duhet të japë edhe një shkresë të vulosur dhe firmosur ku të listohen mostrat që ndodhen në zarf/kuti.

– Mbi çdo mostër të dorëzuar, ofertuesi duhet të shënoje Nr. Rendor të Artikullit që përfaqëson sipas formularit të çmimit.

– Në paketimin e çdo mostre duhet të evidentohet qartë origjina e mallit, e cila duhet të përputhet me origjinën e deklaruar nga ofertuesi.

Nga verifikimi i dokumenteve të tenderit, "Procesverbalit për argumentimin dhe miratimin e specifikimeve teknike dhe kriterëve për kualifikim" dhe referuar bazës ligjore të sipërpërmendur, gjykojmë, se për kriterin në fjalë nga ana e autoritetit kontraktor nuk është dhënë asnjë argument teknik, se përse kërkohet paraqitja e mostrave sikurse parashikohet në pikën 1 të Udhëzimit të Agjencisë së Prokurimit Publik nr. 03, datë 12.04.2022, "Mbi procesin e administrimit të mostrave të paraqitura nga operatorët ekonomikë" dhe për më tepër ky kriter është një kriter i dubluar dhe që krijon kosto të shtuara për operatorët ekonomikë, pasi në "Kapaciteti teknik" të Shtojcës 8 të dokumenteve të tenderit, autoriteti kontraktor për të krijuar bindjen se produktet e ofruara nga operatorët ekonomik ofertues do të jenë sipas specifikimeve teknike të dhëna në dokumentet e tenderit, ka përcaktuar që këta ofertues të paraqesin katalogë teknikë për të gjithë artikujt e ofruar dhe në katalogë, artikujt dhe specifikimet teknike të tyre duhet të markohen me ngjyrë të ndezur, prandaj autoriteti kontraktor duhet të heqë kriterin kualifikues të përcaktuar në "Kapaciteti teknik" të Shtojcës 8 të dokumenteve të tenderit, për paraqitjen e mostrave, pasi nuk e ka argumentuar nga ana teknike vendosjen e këtij kriteri, aq më tepër që është një kriter i shtuar nga AK pasi kjo është një procedurë e rihedhur dhe herën e parë nga vetë Spitali Rajonal Korçë ky kriter nuk kerkohej.

Nga ana tjetër është e pamundur për OE të sjellin mostrat pasi:

- koha është shumë e shkurtër nga dhënia e porosisë deri në prodhimin e tyre (pasi janë disa prodhues dhe shumica e tyre nuk i kanë stok këto materiale duke qënë se ka materiale me skadencë të shkurtër), dhe transportin deri në destinacion,

- kostoja e lartë të transportit që rritet ditë për ditë, çka rrit koston e blerjes së mostrave dhe humbje të mëdha ekonomike për OE në rast të mos-shpalljes fitues,

- Pra është e qartë se mostrat "do të sjellë" OE i cili I ka gjendje.."

Në lidhje me specifikimet teknike:

**Produkti nr. 64**

<p>Dezinfektant instrumentash me baze Glutaraldehyde- Formaldehyde</p>	<p><i>Per dezinfektimin manual te instrumenteve kirurgjikale, perfshire endoskopet dhe fibroskopet. Te kete efekt baktericid, fungicid, tuberkulocid, antiviral (perfshire HBV/HIV) Te furnizohet si komplet me solucion e pa - aktivizuar dhe aktivizuesin per perzierjen dhe perftimin e solucionit te gatshem per perdorim. Permbajtja: min. 2% glutaraldehye, etj. Te furnizohet si solucion i gatshem per perdorim (max 5 litra / ene). Te kete referenca perdorimi nga firmat e njohura te endoskopeve dhe fibroskopeve</i></p>
--------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

*Pasi shqyrtuam specifikimet teknike për produktin “Instrument disinfectant based on Glutaraldehyde-Formaldehyde”, kërkojmë sqarim lidhur me përshkrimin aktual të produktit, pasi konstatohet një paqartësi në formulim. Në fillim të specifikimit kërkohet që produkti të furnizohet si solucion bazë së bashku me aktivizues për përzierje dhe përgatitje para përdorimit, ndërkohë që më tej përshkruhet se solucioni duhet të jetë i gatshëm për përdorim (“ready to use”). Kjo paraqet një kontradiktë teknike, pasi një sistem me aktivizues nënkupton një produkt dy-komponentësh që kërkon përzierje para përdorimit dhe ka afat të kufizuar stabiliteti pas aktivizimit, ndërsa një produkt RTU është solucion i gatshëm për përdorim, pa nevojë për aktivizim shtesë, duke ofruar stabilitet më të lartë dhe siguri operative më të madhe. Për nevojat operative dhe për të minimizuar rrezikun e gabimeve gjatë përgatitjes, konsiderojmë të përshtatshme që produkti të specifikohet qartë si ready to use, pa sistem aktivizimi.*

*Gjithashtu, propozojmë rishikimin e kërkesës për kombinimin “Glutaraldehyde-Formaldehyde”, pasi shumica e prodhuesve ndërkombëtarë të dezinfektantëve për instrumente mjekësore përdorin formulime me glutaraldehyd 2% ose ekuivalente të nivelit të lartë, pa përfshirjen e formaldehidit. Nga pikëpamja teknike dhe rregullative, glutaraldehydi 2%, qoftë i aktivizuar ose në formulim stabil, siguron aktivitet të plotë baktericid, fungicid, tuberkulocid dhe virucid, përfshirë HBV/HIV, sipas standardeve ndërkombëtare për dezinfektim të nivelit të lartë, ndërsa formaldehydi klasifikohet si substancë me rrezik të lartë toksikologjik dhe përdorimi i tij në ambientet klinike është reduktuar ndjeshëm për arsye sigurie profesionale dhe përputhshmërie me praktikat moderne. Shumica e prodhuesve të endoskopeve dhe instrumenteve fleksibël rekomandojnë përdorimin e dezinfektantëve me bazë glutaraldehyd ose alternativa të aprovuara, pa përfshirje të formaldehidit.*

*Duke pasur parasysh këto konsiderata, propozojmë që specifikimi të riformulohet si më poshtë: “Dezinfektant për instrumente kirurgjikale dhe endoskopë, me bazë glutaraldehyd (minimum 2%), solucion i gatshëm për përdorim (ready to use), me veprim baktericid, fungicid, tuberkulocid dhe virucid, përfshirë HBV/HIV, i paketuar deri në 5 L”.*

*Lutemi për sqarim dhe konfirmim në mënyrë që specifikimi të jetë i qartë, teknikisht i qëndrueshëm dhe në përputhje me praktikat bashkëkohore të dezinfektimit të nivelit të lartë.*

## **Produkti nr. 67**

67*	Xhel shumeperdorimsh	Per desinfektimin e duarve te personelit mjekesor , Antiseptik i shpejte dhe efektiv, i gatshem për ta përdorur , pa nevojen perdorimin e ujit per shplarje. Te furnizohet ne ene 1 - 3 liter te pajisura me dozator.	Litra
-----	----------------------	-----------------------------------------------------------------------------------------------------------------------------------------------------------------------------------------------------------------------	-------

Është përcaktuar që produkti duhet të jetë në formë **gel**.

Nga pikëpamja teknike dhe funksionale, ky specifikim paraqet një kufizim të panevojshëm, pasi forma fizike e produktit (gel apo likuid) nuk përcakton efektivitetin antiseptik të tij.

Efikasiteti i produkteve për dezinfektimin e duarve përcaktohet kryesisht nga përbërja kimike dhe përqendrimi i substancave aktive (si p.sh. alkooli etilik ose izopropilik), si dhe nga përmbushja e standardeve të njohura për dezinfektimin e duarve të personelit mjekësor. Në praktikën mjekësore dhe farmaceutike, produktet për dezinfektimin e duarve përdoren gjerësisht si në formë **gel**, ashtu edhe në formë **likuidi**, duke garantuar të njëjtin mekanizëm veprimi dhe të njëjtin nivel efikasiteti antiseptik.

Diferenca ndërmjet këtyre dy formave lidhet vetëm me viskozitetin dhe mënyrën e aplikimit të produktit, ndërsa funksioni antiseptik dhe përdorimi i tyre mbetet identik. Të dyja format janë produkte të gatshme për përdorim, nuk kërkojnë shpëlarje me ujë dhe përdoren në mënyrë të njëjtë në institucionet shëndetësore për dezinfektimin higjienik të duarve të personelit mjekësor.

Për më tepër, kufizimi i specifikimit teknik vetëm në formën **gel** ndikon drejtpërdrejt në kufizimin e konkurrencës në këtë procedurë prokurimi. Në tregun e produkteve dezinfektuese për përdorim mjekësor operojnë një numër i konsiderueshëm prodhuesish dhe distributorësh që ofrojnë produkte antiseptike në formë **likuidi**, të cilat përmbushin të njëjtat standarde cilësie dhe sigurie dhe përdoren gjerësisht në institucionet shëndetësore. Duke kufizuar specifikimin vetëm në një formë të caktuar fizike të produktit, autoriteti kontraktor redukton në mënyrë të pajustificuar numrin e operatorëve ekonomikë potencialë që mund të marrin pjesë në këtë procedurë.

Një specifikim i tillë teknik mund të çojë në një konkurrencë të kufizuar dhe në një pjesëmarrje më të ulët të operatorëve ekonomikë, duke ulur kështu mundësinë që autoriteti kontraktor të përfitojë oferta më të favorshme në aspektin ekonomik dhe cilësor. Zgjerimi i specifikimit për të përfshirë edhe formën **likuid** nuk ndryshon funksionalitetin dhe qëllimin e produktit të kërkuar, por përkundrazi mundëson një konkurrencë më të gjerë ndërmjet operatorëve ekonomikë dhe rrit transparencën dhe efikasitetin e procedurës së prokurimit.

Për sa më sipër, kërkojmë që specifikimi teknik të riformulohet si më poshtë:

67*	Xhel/likuid shumeperdorimsh	Per desinfektimin e duarve te personelit mjekesor , Antiseptik i shpejte dhe efektiv, i gatshem për ta përdorur , pa nevojen perdorimin e ujit per shplarje. Te furnizohet ne ene 1 - 3 liter te pajisura me dozator.	Litra

Ky riformulim do të mundësonte pjesëmarrjen e një numri më të madh operatorësh

ekonomikë, duke ruajtur njëkohësisht të pandryshuar funksionin, qëllimin dhe standardin e produktit të kërkuar nga autoriteti kontraktor.

**Produkti nr. 37, 38, 39, 40**

37*	Beze kirurgjikale sterile 75x90cm	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me permasa te copes 75x90cm	Copë
38*	Beze kirurgjikal sterile me vrime 200 x 250 cm	Cope e pathurur e veshur me polietilen, jo invazive, me peshe jo me pak se 35 gr/m <sup>2</sup> , me vrime rrethore, me diameter 10 cm, me buze adesive, me permasa te copes 200 x 250 cm	Copë
39	Beze kirurgjikale sterile me vrime 75x90cm	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me vrime rrethore, diameter 5 cm, me buze adesive, me permasa te copes 75x90cm	Copë
40*	Beze kirurgjikale sterile me vrime (100 x 150cm)	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me vrime rrethore, me diameter 10 cm, me buze adesive, me permasa te copes 100 cm x 150 cm.	Copë

Pasi shqyrtoam specifikimet teknike për produktet beze kirurgjikale sterile, me dhe pa vrimë, kërkojmë sqarim lidhur me kriteret e vendosura për peshën minimale të materialit ( $\geq 35 \text{ g/m}^2$ ) si dhe përmasat fikse të përcaktuara për secilin pozicion.

Lidhur me peshën e materialit, lutemi të na sqaroni nëse kërkesa për gramaturë minimale 35 g/m<sup>2</sup> është e bazuar në ndonjë standard specifik, për shembull standardet për barrierat kirurgjikale, apo në ndonjë protokoll të brendshëm klinik, dhe nëse qëllimi i kësaj kërkesë është garantimi i performancës së barrierës ndaj penetrimit të lëngjeve, rezistencës mekanike ose parametrave të tjerë teknikë. Nga pikëpamja teknike, gramatura nuk është gjithmonë tregues i drejtpërdrejtë i performancës së barrierës, pasi produkte me gramaturë të ndryshme mund të përmbushin njësoj kërkesat për rezistencë ndaj penetrimit të lëngjeve dhe gjakut, nëse janë testuar sipas standardeve përkatëse. Për këtë arsye, sugjerojmë që kriteri i peshës të lidhet me performancën e provuar të materialit sipas standardeve për barrierë kirurgjikale, në vend të një vlere fikse të gramaturës.

Lidhur me dimensionet e përcaktuara, lutemi të na sqaroni nëse përmasat (75x90 cm, 100x150 cm, 200x250 cm) janë të bazuara në kërkesa specifike klinike apo në konfigurim të veçantë të procedurave kirurgjikale dhe nëse mund të lejohet një tolerancë dimensionale, për shembull

$\pm 5\%$ , ose pranimi i përmasave alternative standarde të prodhuesve, për sa kohë mbulohet plotësisht fusha operative dhe ruhet funksionaliteti. Në praktikë, shumë prodhues ndërkombëtarë ofrojnë dimensione standarde që mund të ndryshojnë minimalisht nga përmasat e specifikuara, por që përmbushin plotësisht kërkesat funksionale dhe të sigurisë, dhe hapja e diapazonit të përmasave do të mundësonte konkurrencë më të gjerë dhe pjesëmarrje më të madhe të operatorëve ekonomikë pa cenuar cilësinë apo sigurinë klinike.

*Duke pasur parasysh qëllimin e specifikimeve teknike për garantimin e sigurisë dhe performancës, si dhe për sigurimin e konkurrencës së drejtë, propozojmë që kërkesa për peshën të shoqërohet ose të zëvendësohet me kërkesë për përmbushje të standardeve të performancës për barrierat kirurgjikale, dhe dimensionet të përcaktohen si nominale me tolerancë të pranueshme ose të lejohet ekuivalencë dimensionale që garanton të njëjtin funksion klinik. Lutemi për sqarim dhe konfirmim në mënyrë që dokumentacioni teknik të jetë i qartë, proporcional dhe në përputhje me praktikën bashkëkohore të tregut.*

*Autoriteti kontraktor ka të drejtën e tij për të përcaktuar kritere dhe specifikime teknike në lidhje me artikujt objekt-prokurimi, **por në çdo rast këto specifikime teknike duhet të jenë në proporcion me natyrën dhe volumin e kontratës që prokurohet, si dhe duhet të jenë të justifikuar teknikisht bazuar në fakte dhe prova konkrete, pasi vendosja e specifikimeve teknike joproporcionale dhe të pajustificuara shkaktajnë kufizime dhe përjashtime tërësisht të panevojshme nga pjesëmarrja në procedurë të operatorëve ekonomikë të interesuar,[....]***

II.3. Bazuar në nenin 112 pika 3 të ligjit 162/2020 “Për prokurimin Publik”, i ndryshuar, Komisioni i Prokurimit Publik ka publikuar në bazën e të dhënave të tij, të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës) si dhe ankesën e plotë të ankimuesit.

II.4. Nëpërmjet shkresës me nr. 832/6 prot., datë 06.03.2026, protokolluar me tonën me nr. 717/1 prot., datë 09.03.2026 me objekt “Mbi shqyrtimin e ankesës së paraqitur nga operatori ekonomik “SoLed” shpk, lidhur me dokumentet e tenderit, në procedurën e prokurimit me nr. REF-77193-02-24-2026, me objekt: “Blerje materiale mjekimi konsumabel dhe kirurgjikale”, autoriteti kontraktor njofton se Komisioni i Vlerësimit të Ofertave pas shqyrtimit të ankesës ka vendosur të ndërpresë afatin 5-ditor për marrjen e vendimit në lidhje me ankesën e paraqitur nga operatori ekonomik “SoLed” SHPK.

II.5. Nëpërmjet shkresës me nr. 832/10 prot., datë 18.03.2026, protokolluar me tonën me nr. 717/2 prot., datë 18.03.2026 me objekt “Mbi shqyrtimin e ankesës së paraqitur nga operatori ekonomik “SoLed” shpk, lidhur me dokumentet e tenderit, në procedurën e prokurimit me nr. REF-77193-02-24-2026, me objekt: “Blerje materiale mjekimi konsumabel dhe kirurgjikale”, të ardhur nëpërmjet sistemit elektronik të ankesave, është depozituar në Komisionin e Prokurimit Publik vendimi i KSHA-së.

E njëjzat shkresë është deposituar nëpërmjet shërbimit postar protokolluar me tonën nr. 717/3 prot., datë 19.03.2026.

Referuar kësaj shkrese konstatohet se autoriteti kontraktor ka trajtuar ankesën e operatorit ekonomik ankimues, dhe në përfundim ka vendosur pranimin pjesërisht të ankesës duke pranuar dhe sqaruar kërkesat si më poshtë:

*“Komisioni i krijuar me Urdhër me Nr. 632 Prot., datë 10.03.2026, për shqyrtimin e shkresës me Nr. 832/7 Prot. datë 06.03 2026, të Operatorit të Blejve të Përqendruara, në cilësinë e Autoritetit Përfitues dhe si hartues i specifikimeve teknike dhe grafikut të lëvrimit, pas rishqyrtimit të pretendimeve të operatorit ekonomik ankimues dhe duke mbajtur në konsideratë legjislacionin në fuqi për prokurimin publik, rekomandon ndryshimet si më poshtë:*

*Lidhur me afatin e skadencës:*

***Ishte:***

*Afati i skadencës duhet të jetë jo më pak se 18 (tetëmbëdhjetë) muaj nga data e lëvrimit të mallit në destinacion.*

***Bëhet:***

*Afati i skadencës duhet të jetë jo më pak se 12 (dymbëdhjetë) muaj nga data e lëvrimit të mallit në destinacion.*

***Për sa më sipër, pretendimi i Operatorit ekonomik ankimues qëndron.***

*Lidhur me artikullin Nr. 64 “Dezinfektant instrumentash me baze Glutaraldehide-Formaldehide”:*

***Ishte:***

*Per dezinfektimin manual te instrumenteve kirurgjikale, perfshire endoskopet dhe fibroskopet. Te kete efekt baktericid, fungicid, tuberkulocid, antiviral (perfshire HSV/HIV)Te furnizohet si komplet me solucion e pa - aktivizuar dhe aktivizuesin per perzie en dhe perftimin e solucionit te gatshem per perdorim.Permbajja: min. 2% glutaraldyhe, etj. Te furnizohet si solucion i gatshem per perdorim (max 5 litra / ene). Te kete referenca perdorimi nga firmat e njohura te endoskopeve dhe fibroskopeve.*

***Bëhet:***

*Për dezinfektimin manual të instrumenteve kirurgjikale, përfshirë endoskopet dhe fibroskopet. Të R të efekt baktericid, fungicide, turbekulocid, antiviral |përfshirë HBV/HIV). Të furnizohet st solucion i gatshëm i parapërgatit r për përdorim. (max 5 litrHenë). Përmbajja: min. 2% glutaraldyhe dhe formaldehide.*

***Për sa më sipër, pretendimi i Operatorit ekonomik ankimues qëndron pjesërisht.***

*Lidhur me artikujt me nr. 37 “Beze kirurgjikale sterile 75x90cm”, 38 “Beze kirurgjikal5lerile me vrime 200x 250 cm”, 39 “Beze kirurgjikale sterile me vrime 75x90cm”, 40“Beze kirurgjikalesterile me vrime (100x 150cm)”:*

***Sqarojmë*** se sasia me gramaturë minimale 35g/m2 lidhet me dendësinë që duhet të ketë bezja kirurgjikaie. Ndërsa lidhur me dimensionet e përcaktuara si më sipër ju sqarojmë se jemi bazuar në kërkesat lidhur me ndërhyrjet kirurgjikale që ne kryejmë pranë Spitalit tonë.

*Në lidhje me specifikimet teknike sqarojmë se i jemi referuar tabelës të miratuar nga Ministria e Shëndetësisë për materialet e mjekimit MM2.*

*Kjo pikë mbetet e pandryshuar.*

Komisioni i Prokurimit Publik, pas shqyrtimit të ankesës, dokumentacionit bashkëngjitur saj si dhe informacionit të autoritetit kontraktor

### **Arsyeton:**

III.1. Lidhur me pretendimet e ankimuesëit mbi modifikimin e dokumenteve të procedurës së prokurimit objekt-shqyrtimi, Komisioni i Prokurimit Publik vëren se,

III.1.1. Referuar shkresës nr. 832/10 prot., datë 18.03.2026, protokolluar me tonën me nr. 717/2 prot., datë 18.03.2026 dhe nr. 717/3, dat 137 19.03.2026, me objekt “Mbi shqyrtimin e ankeses së paraqitur nga operatori ekonomik “SoLed” shpk, lidhur me dokumentet e tenderit, në procedurën e prokurimit me nr. REF-77193-02-24-2026, me objekt: “Blerje materiale mjekimi konsumabel dhe kirurgjikale”, është depozituar në Komisionin e Prokurimit Publik vendimi i KSHA-së ku konstatohet se autoriteti kontraktor ka trajtuar ankesën e operatorit ekonomik ankimues, dhe në përfundim ka vendosur pranimin pjesërisht të ankesës duke pranuar dhe sqaruar kërkesat si më poshtë:

*“Komisioni i krijuar me Urdhër me Nr. 632 Prot., datë 10.03.2026, për shqyrtimin e shkresës me Nr. 832/7 Prot. datë 06.03 2026, të Operatorit të Ble;jeve të Përqendruara, në cilësinë e Autoritetit Përfitues dhe si hartues i specifikimeve teknike dhe grafikut të lëvrimin, pas rishqyrtimit të pretendimeve të operatorit ekonomik ankimues dhe duke mbajtur në konsideratë legjislacionin në fuqi për prokurimin publik, rekomandon ndryshimet si më poshtë:*

*Lidhur me afatin e skadencës:*

***Ishte:***

*Afati i skadencës duhet të jetë jo më pak se 18 (tetëmbëdhjetë) muaj nga data e lëvrimin të mallit në destinacion.*

***Bëhet:***

*Afati i skadencës duhet të jetë jo më pak se 12 (dymbëdhjetë) muaj nga data e lëvrimin të mallit në destinacion.*

***Për sa më sipër, pretendimi i Operatorit ekonomik ankimues qëndron.***

*Lidhur me artikullin Nr. 64 “Dezinfektant instrumentash me baze Glutaraldehide-Formaldehide”:*

***Ishte:***

*Per dezinfektimin manual te instrumenteve kirurgjikale, përfshirë endoskopet dhe fibroskopet. Te kete efekt baktericid, fungicid, tuberkulocid, antiviral (përfshirë HSV/HIV)Te furnizohet si komplet me solucion e pa - aktivizuar dhe aktivizuesin per perzie en dhe perftimin e solucionit te gatshem per perdorim.Permbajja: min. 2% glutaraldyhe, etj. Te furnizohet si solucion i gatshem per perdorim (max 5 litra / ene). Te kete referenca perdorimi nga firmat e njohura te endoskopeve dhe fibroskopeve.*

***Bëhet:***

*Për dezinfektimin manual të instrumenteve kirurgjikale, përfshirë endoskopet dhe fibroskopet. Të Rte efekt baktericid, fungicide, turbekulocid, antiviral [përfshirë HBV/HIV). Të furnizohet st solucion i gatshëm i parapërgatit r për përdorim. (max 5 litrHenë). Përmbajja: min. 2%*

glutaraldehyde dhe formaldehyde.

**Për sa më sipër, pretendimi i Operatorit ekonomik ankimes qëndron pjesërisht.**

Lidhur me artikujt me nr. 37 “Beze kirurgjikale sterile 75x90cm”, 38 “Beze kirurgjikale sterile me vrimë 200x 250 cm”, 39 “Beze kirurgjikale sterile me vrimë 75x90cm”, 40 “Beze kirurgjikale sterile me vrimë (100x 150cm)”:

**Sqarojmë** se sasia me gramaturë minimale 35g/m<sup>2</sup> lidhet me dendësinë që duhet të ketë bezja kirurgjike. Ndërsa lidhur me dimensionet e përcaktuara si më sipër ju sqarojmë se jemi bazuar në kërkesat lidhur me ndërhyrjet kirurgjikale që në kryejmë pranë Spitalit tonë.

Në lidhje me specifikimet teknike sqarojmë se i kemi referuar tabelës të miratuar nga Ministria e Shëndetësisë për materialet e mjekimit MM2.

Kjo pikë mbetet e pandryshuar.”

III.1.2. Neni 30 i LPP-së, parashikon shprehimisht se: *Komisioni i Prokurimit Publik shqyrton ankesat e paraqitura para tij kur në mbledhje janë të pranishëm të paktën 3 nga 5 anëtarët e tij, një prej të cilëve kryetari ose nënkryetari. Në përfundim të shqyrtimit të ankesave, Komisioni vendos me shumicë votash. Vendimi deklarativ i dhënë sipas parashikimeve të nenit 115, pikat 2 dhe 3, të këtij ligji, jepet nga 3 anëtarë për procedurat e prokurimit nën kufirin e ulët monetar dhe nga 5 anëtarët për procedurat e tjera.*

III.1.3. Neni 114 i ligjit 162/2020 “Për Prokurimin Publik”, parashikon shprehimisht se: *1. Në rastet e ankesave për dokumentet e tenderit, autoriteti ose enti kontraktor duhet të shprehet në lidhje me ankesën e paraqitur brenda 5 ditëve nga momenti i konfirmimit të regjistrimit të saj nga Komisioni i Prokurimit Publik. Në rastet e ankesave për vendimin e përzgjedhjes së kandidatëve pas fazës së parakualifikimit ose për procesin e vlerësimit të ofertave, autoriteti ose enti kontraktor duhet të shprehet për ankesën e paraqitur brenda 5 ditëve nga përfundimi i afatit kohor në dispozicion të operatorëve ekonomikë të interesuar, sipas parashikimeve në nenin 113 të këtij ligji, për paraqitjen e argumenteve të tyre.*

*2. Në rastin kur për shqyrtimin e ankesës autoriteti ose enti kontraktor ka nevojë të kryejë verifikime pranë organeve të tjera, afati i përcaktuar në pikën 1 të këtij neni ndërpritet dhe rifillon pasi të ketë siguruar informacionin e kërkuar. Në çdo rast, për pritjen e informacionit të kërkuar afati nuk duhet të tejkalojë 30 ditë.*

*Në çdo rast, autoriteti ose enti kontraktor ka detyrimin të vërë menjëherë në dijeni Komisionin e Prokurimit Publik, ankuesin dhe operatorët ekonomikë të interesuar për zgjatjen e afatit.*

*3. Në përfundim të shqyrtimit të ankesës sipas parashikimeve në këtë nen, autoriteti ose enti kontraktor mund të vendosë:*

- a) pranimin e plotë të ankesës;*
- b) pranimin e pjesshëm të ankesës;*
- c) refuzimin e ankesës.*

*4. Në çdo rast, autoriteti ose enti kontraktor vë në dijeni për vendimin e marrë Komisionin e*

*Prokurimit Publik, ankuesin, operatorët ekonomikë të interesuar brenda ditës së nesërme të punës nga marrja e këtij vendimi, duke e shoqëruar me shpjegimet dhe dokumentacionin përkatës.*

*5. Kundër vendimit të autoritetit ose entit kontraktor, operatorët ekonomikë të interesuar, të cilët kanë paraqitur argumentet e tyre në lidhje me ankesën, kanë të drejtën të ankohen pranë Komisionit të Prokurimit Publik brenda 5 ditëve nga marrja e njoftimit nga autoriteti ose enti kontraktor, sipas pikës 4 të këtij neni.*

*6. Nëse operatorët ekonomikë të interesuar nuk kanë paraqitur ankesë sipas pikës 5 të këtij neni, ata nuk do të kenë të drejtë të paraqesin më pas një ankesë për veprimet e autoritetit ose entit kontraktor, të kryera në zbatim të vendimit të dhënë nga Komisioni i Prokurimit Publik.*

III.1.4. Neni 115 pika 1 dhe 3 e ligjit 162/2020 “Për prokurimin Publik”, i cili parashikon shprehimisht se : “1. Komisioni i Prokurimit Publik shqyrton ankesën e paraqitur, si dhe vendimin e autoritetit ose entit kontraktor, së bashku me dokumentet dhe shpjegimet shoqëruese, që mbështesin këtë vendim si më poshtë:

*a) në rastet kur autoriteti ose enti kontraktor ka vendosur pranimin pjesërisht të ankesës, Komisioni i Prokurimit Publik vazhdon shqyrtimin:*

*i. për pjesën e ankesës/ pretendimeve që nuk janë pranuar;*

*ii. e ankesës/ankesave për pjesën që është pranuar, nëse ka ankesa nga operatorët ekonomikë të interesuar, të cilët kanë paraqitur argumentet e tyre për këtë pjesë në përputhje me nenin 113 të këtij ligji;*

*b) në rastet kur autoriteti ose enti kontraktor ka vendosur pranimin e plotë të ankesës, Komisioni i Prokurimit Publik do të vijojë shqyrtimin e ankesës, nëse ka ankesë nga operatorët ekonomikë të interesuar, të cilët kanë paraqitur argumentet e tyre në lidhje me ankesën në përputhje me nenin 113 të këtij ligji;*

*c) në rastet kur autoriteti ose enti kontraktor ka vendosur mos pranimin e ankesës.*

*3. Në rastin kur autoriteti ose enti kontraktor pranon plotësisht ankesën, Komisioni i Prokurimit Publik:*

*a) nxjerr një vendim deklarativ për mbylljen e çështjes brenda 3 ditëve nga marrja e vendimit të dhënë nga autoriteti ose enti kontraktor për këtë ankesë, nëse operatorët ekonomikë të interesuar nuk kanë paraqitur argumentet e tyre sipas pikës 1 të nenit 113 të këtij ligji;*

*b) nxjerr një vendim deklarativ për mbylljen e çështjes brenda 3 ditëve nga përfundimi i afatit kohor të përcaktuar në pikën 5 të nenit 114 të këtij ligji, nëse operatorët ekonomikë të interesuar, që kanë paraqitur argumentet sipas pikës 1 të nenit 113 të këtij ligji, nuk kanë ankimuar vendimin e dhënë nga autoriteti ose enti kontraktor.*

III.1.5. Sa më sipër, nisur nga pretendimet e operatorit ekonomik ankimues, nga shkresa e autoritetit kontraktor, konstatohet se ky i fundit, ka vendosur pranim të pjesshëm të ankesës

së operatorit ekonomik “SoLed” SHPK, kështu që rrjedhimisht Komisioni do të mbyllë çështjen në lidhje me pjesën e pranuar nga autoriteti kontraktor për ankesën me nr.717 prot., datë 05.03.2026, të operatorit ekonomik “SoLed” SHPK.

III.2. Lidhur me pretendimet e ankimuesit “SoLed” SHPK për modifikimin e dokumenteve të tenderit, konkretisht të kriterit 2.3 kapaciteti teknik me arsyetimin që “.....*kërkojmë nga njësia e hartimit të dokumentave të tenderit që në riformulimin e këtij kriteri të kenë parasysh mospërdorimin e shprehjes “jo më e vogël” duke e zëvendësuar atë me shprehjen “jo më e madhe” ose me përcaktimin e një vlere minimale që nuk tejkalon vlerën 40% të vlerës së fondit limit që prokurohet psh jo më të vogël se 20% apo 30% apo 35% e kështu me rradhë por pa e tejkaluar vlerën 40 % te vlerës së fondit limit qe prokurohet....”, Komisioni i Prokurimit Publik vëren se:*

III.2.1. Në shtojcën 8/2 “Kriteret e veçanta të kualifikimit”, pika 2.3. “Kapaciteti teknik”, të dokumenteve standarde të tenderit, autoriteti kontraktor ka parashikuar ndër të tjera:

*“1. Operatori ekonomik duhet të paraqesë dëshmi për furnizimet e mëparshme të ngjashme të kryera gjatë 3 (tre) viteve të fundit nga data e shpalljes së njoftimit të kontratës, në vlerën **jo më pak se 40 % e vlerës së fondit limit**. Këto furnizime të mëparshme, të ngjashme, duhet të vërtetohen me dokumentacionin si më poshtë:*

- a) Kur furnizimet e ngjashme janë realizuar me ente publike, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.*
- b) Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.”*

III.2.2. Në nenin 77 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se: 1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;*
- b) gjendjen ekonomike dhe financiare;*
- c) aftësinë teknike dhe profesionale.*

*Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

*4. Në lidhje me aftësitë teknike dhe profesionale, autoritetet ose entet kontraktore mund të*

*vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.*

*Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën.*

*Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.”*

III.2.3. Neni 40 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik” i ndryshuar, parashikohet shprehimisht se:

*“Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.*

*4. Për të provuar përvojën e mëparshme, autoriteti/enti kontraktor kërkon dëshmi për realizimin me sukses të një ose disa kontratave të mëparshme, të ngjashme, të kryera gjatë tre viteve të fundit. Në çdo rast, vlera totale e kërkuar duhet të jetë në një vlerë jo më të madhe se 40% të vlerës së përllogaritur të kontratës, që prokurohet dhe që është realizuar gjatë tre viteve të fundit, nga data e shpalljes së njoftimit të kontratës. Autoriteti/enti kontraktor si dëshmi për përvojën e mëparshme kërkon vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara. Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.*

III.2.5. Komisioni i Prokurimit Publik gjykon, se në përcaktimin apo vendosjen e kriterëve specifike, që në thelb konsiderohen si kriterë fituese, për shkak të rëndësisë që kanë, ligjvënësi i ka parashikuar kufizime autoriteteve kontraktore brenda diskrecionit që ka në përzgjedhjen e tyre. Në këtë mënyrë, dispozitat e sipërpërmendura, urdhërojnë se përcaktimi i këtyre kriterëve duhet të jetë: (i) në përpjesëtim dhe të lidhura ngushtë me aftësinë zbatuese, natyrën dhe vlerën e kontratës (ii) Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të

paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Autoriteti kontraktues është organi përgjegjës për prokurimin e fondeve publike, në përputhje me dispozitat ligjore e nënligjore në fuqi. Në këtë kuadër, përcaktimi i kriterëve të veçanta për kualifikim është lënë nën përgjegjësinë e autoritetit kontraktues, gjithnjë në përputhje e përpjesëtim me objektin e natyrën e kontratës objekt - prokurimi. Autoriteti kontraktues është në të drejtën e tij për të përcaktuar kriteret për kualifikim, mjafton që ato të mos jenë diskriminuese e përjashtuese. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi.

III.2.6. Referuar pretendimeve të operatorit ekonomik ankimues të paraqitura në ankesë për kriterin e përcaktuar në pikën 2.3. të kapacitet teknik, pika 1, Komisioni i Prokurimit Publik gjykon, se është me vend të ndalet në faktin nëse kërkesa për vlerën limit të kontratave të ngjashme të realizuara, është në përputhje me parashikimet e dispozitave ligjore dhe nënligjore në fuqi, në fushën e prokurimit publik apo jo. Referuar parashikimeve të nenit 77 të lex specialis, si dhe nenit 40 pika 4 të VKM-së nr. 285, datë 19.05.2021 “Për miratimin e rregullave të prokurimit publik” e ndryshuar, është lënë në të drejtën e autoritetit kontraktor, që për të verifikuar përmbushjen e aftësive teknike të mund të kërkojë nga operatorët ekonomikë, që për të provuar përvojën e mëparshme, autoriteti/enti kontraktor të kërkojë dëshmi për realizimin me sukses të një ose disa kontratave të mëparshme, të ngjashme, të kryera gjatë tri viteve të fundit, ku në çdo rast, vlera totale e kërkuar duhet të jetë në një vlerë jo më të madhe se 40% të vlerës së përlllogaritur të kontratës që prokurohet dhe që është realizuar gjatë tre viteve të fundit, nga data e shpalljes së njoftimit të kontratës. Nga verifikimet rezulton se kriteri i përcaktuar në pikën 2.3. të kapacitetit teknik pika 1 në lidhje me vlerën limit të kontratave të ngjashme të kryera edhe pse modifikimi për të zëvendësuar formulimin ‘jo më e vogël se 40%’ me formulimin ‘jo më e madhe se 40%’ nuk ndryshon thelbësisht natyrën dhe funksionin e kriterit të përvojës së ngjashme dhe në thelb rezulton i njëjtë me kriterin e vendosur nga autoriteti kontraktor për të mos krijuar konfuzion tek operatorët ekonomikë gjatë përgatitjes së dokumentacionit, komisioni gjykon që kriteri të vihet i njëjtë me atë të përcaktuar në Vendimit të Këshillit të Ministrave nr.285, datë 19.05.2021 “Për miratimin e rregullave të prokurimit publik”, i ndryshuar ose të përcaktohet

në vlerë të caktuar sipas përcaktimeve të të nenit 40 pika 4 të VKM së sipërcituar. Sa më sipër, autoriteti kontraktor duhet të marrë masa për modifikimin e kriterit në lidhje me formulimin dhe vlerën limit të kontratave të ngjashme sipas parashikimeve të nenit 40 pika 4 të aktit nënligjor të mësipërm, pasi është në të drejtën e autoritetit kontraktor, hartimi i kriterëve për kualifikimin, por këto të fundit duhet të jenë jodiskriminuese, si dhe në përputhje me aktet ligjore e nënligjore në fuqi për prokurimin publik dhe legjislacionin sektorial në fuqi.

### **Sa më sipër pretendimi i operatorit ekonomik ankimues qëndron.**

III.3. Lidhur me pretendimet e ankimuesit “SoLed” SHPK për modifikimin e dokumenteve të tenderit, *duke kërkuar heqjen e mostrave të kërkuara nga autoriteti kontraktor me arsyetimin se autoriteti kontraktor nuk e ka argumentuar nga ana teknike vendosjen e këtij kriteri, aq më tepër që është një kriter i shtuar nga AK pasi kjo është një procedurë e rihedhur dhe herën e parë nga vetë Spitali Rajonal Korçë ky kriter nuk kërkohej*, Komisioni i Prokurimit Publik vëren se:

III.3.1. Në shtojcën 8 “Kriteret e përgjithshme të përzgjedhjes/kualifikimit”, seksionin II “Kriteret e veçanta të kualifikimit”, pika 2.3. “Kapaciteti teknik”, të dokumenteve standarde të tenderit, autoriteti kontraktor ka parashikuar ndër të tjera:

*“8.Per artikujt objekt prokurimi të shenjuar me asterisko (\*), ofertuesi duhet te paraqesë mostra në ditën e hapjes/dorëzimit të ofertave, me date \_\_.\_\_.2026 ne oren 11:00. Dorezimi i Kampioneve/mostrave, te behet prane Operatorit i Blerjeve të përendruara, me adrese ”Rruga “Reshit Collaku”, Godina Nr.6/337, Tiranë (në krah të Gjykatës së Lartë)”, te mbyllura ne nje zarf/kuti jo transparente te vulosur mbi te cilin te shenohet:*

*“Mos e hapni me përjashtim te rasteve kur është i pranishëm Komisioni i Vlerësimit te Ofertave te procedurës se prokurimit: **“Blerje materiale mjekimi konsumabel dhe kirurgjikale.”, dhe jo para datës \_\_./2026, ora 11:00 (\*Data e hapjes/dorëzimit të Ofertave).***

- Se bashku me mostrat ofertuesi duhet te japë edhe një shkresë te vulosur dhe firmosur ku te listohen mostrat qe ndodhen ne zarf/kuti.*
- Mbi çdo mostër te dorëzuar, ofertuesi duhet te shënoje Nr. Rendor te Artikullit qe përfaqëson sipas formularit te çmimit.*
- Ne paketimin e çdo mostre duhet te evidentohet qarte origjina e mallit, e cila duhet te përputhet me origjinën e deklaruar nga ofertuesi.”*

III.3.2. Në procesverbalin “Për argumentimin dhe miratimin e specifikimeve teknike dhe kriterëve për kualifikim” të publikuar në Sistemin e Prokurimit Elektronik (SPE) autoriteti kontraktor ka argumentuar në lidhje me vendosjen e këtij kriteri kualifikues të pikës 2.3.

“Kapaciteti teknik” të Shtojcës 8/2 “Formulari i Kritereve të Përzgjedhjes/Kualifikimit” të dokumentave të tenderit, si më poshtë vijon:

*“Argumentimi: Ky kriter gjen mbështetje në pikën 6 të nenit 40 të VKM nr. 285, datë 19.05.2021, “Për miratimin e Rregullave të Prokurimit Publik”, ku përcaktohet se: 6. Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si: a) mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces. Mostrat i kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit. Ky kriter gjen mbështetje gjithashtu edhe në Udhëzimin e APP nr. 3, datë 12.04.2022, “Mbi procesin e administrimit të mostrave të paraqitura nga OE”. Kërkesa për paraqitjen e mostrave për artikujt objekt prokurimi është vendosur me qëllim verifikimin konkret, në kushte reale vlerësimi, të përputhshmërisë së materialeve të ofertuara nga operatori ekonomik me specifikimet teknike të përcaktuara në DST, në Shtojcën 6, pasi, duke pasur parasysh natyrën e veçantë të këtyre artikujve, vlerësimi vetëm mbi bazën e dokumentacionit shoqërues nuk vlerësohet gjithmonë i mjaftueshëm për një konstatim teknik të plotë dhe objektiv. Vendosja e këtij kriteri është bërë edhe mbi bazën e vlerësimit profesional të specialistit të fushës farmacist, i cili, në kuadër të shqyrtimit teknik të artikujve objekt prokurimi, ka evidentuar nevojën për verifikim praktik të disa prej tyre dhe, në vijim të procesit të hartimit të dokumenteve të tenderit, ka konfirmuar reflektimin e kësaj kërkesë, me qëllim që vlerësimi teknik të mbështetet në elemente të matshme e të kontrollueshme, duke rritur garancitë për cilësinë dhe përputhshmërinë e furnizimit. Sa më sipër, bazuar në natyrën specifike të artikujve objekt prokurimi, kjo kërkesë është në përpjesëtim me objektin e prokurimit, e arsyetuar dhe e mbështetur në bazë ligjore..”*

III.4.3. Në shtojcën nr. 7 të dokumenteve të tenderit “Formulari i sasisë dhe grafikut të lëvrimit” autoriteti kontraktor ka parashikuar:

**Shtojca 7.**

### **FORMULARI I SASISË DHE GRAFIKUT TË LËVRIMIT**

**“Blerje materiale mjekimi konsumabel dhe kirurgjikale”**

<b>Nr</b>	<b>Artikulli</b>	<b>Specifikime</b>	<b>Njesia</b>	<b>Sasia e Planifikuar për 12 muaj</b>
	<b>Materiale mjekimi per Anestezi - reanimacion</b>			
1	Kanjule intravenoze	14G , me valvol	Copë	1,000
2	Kanjule intravenoze	16G , me valvol	Copë	6,000
3*	Kanjule intravenoze	18G , me valvol	Copë	13,000
4*	Kanjule intravenoze	20G , me valvol	Copë	20,000
5*	Kanjule intravenoze	22G , me valvol	Copë	20,000
6*	Kanjule intravenoze	24G, me valvol	Copë	12,000
7	Age mielogramme, age (gjilpërë) për aspirimin e palcës kockore, e pajisur me dorezë, njëpërdorimëshe	tip troakar , 16-18 G, L=75-90 mm, me dorezë regjistruese	Copë	200
8	Age spinale e zakonshme	22G - 26G, L=7-9 cm	Copë	1,000
9	Age spinale atraumatike	Pencil point; 22G - 26G; L=7-9cm	Copë	1,000
10*	Kateter zgjatues venoz	Zgjatues 120-150cm	Copë	4,500
11	Ventil tre-rrugesh		Copë	1,000
12	Ventil tre-rrugesh me zgjatues	Tub 10-25 cm gjatesi	Copë	400
13	Sonde gastrike		Copë	1,000
14	Sonde rektale pediatrike		Copë	10
15*	Qese urine	2000ml, me valvol	Copë	6,000
16*	Kateter urinar	2 rrugesh, 16 ch, balon 30 -50 ml	Copë	1,500
17*	Kateter urinar	2 rrugesh, 20 ch, balon 30-50 ml	Copë	2,500
18	Kateter urinar	2 rrugesh, 18 ch, balon 30-50 ml	Copë	2,000
19	Kateter urinar	2 rrugesh, 14 ch, balon 30-50 ml	Copë	1,000
20	Sfungjer Nazal pa fill, epistaksis	Me perberje polivinil acetat i hidroksilizuar, kompresim i dyfisht, pa fibra, me absorbim te larte, hemostatik dhe biokompatibel, me permasa: Gjatesi 10 cm, gjeresi 1.5 cm dhe lartesi 2.5 cm	Copë	10
21	Sfungjer Nazal me fill	Me perberje polivinil acetat i hidroksilizuar, kompresim i dyfisht, me absorbim te larte, hemostatik dhe biokompatibel, me permasa: Gjatesi 8cm, gjeresi 1.5 cm dhe lartesi 2 cm	Copë	50
	<b>Shiringa, Age</b>			

22	Shiringa 50cc	Shiringe nje perdorimeshe , sterile , me Age 20 G , 3 pjese,	Copë	2,500
23*	Shiringa 20cc	Shiringe nje perdorimeshe , sterile , me Age 20 G , 3 pjese,	Copë	250,000
24*	Shiringa 10cc	Shiringe nje perdorimeshe , sterile , me Age 21 G , 3 pjese,	Copë	170,000
25*	Shiringa 5cc	Shiringe nje perdorimeshe , sterile , me Age 22 G , 3 pjese,	Copë	170,000
26*	Shiringa 2cc	Shiringe nje perdorimeshe , sterile , me Age 23G , 3 pjese,	Copë	120,000
27	Age flutur 20G	sterile	Copë	1,000
28	Age flutur 22G	sterile	Copë	1,000
29	Age flutur 24G	sterile	Copë	1,000
30	Shiringa 50cc	Shiringe nje perdorimeshe , sterile me gryke hinke	Copë	2,000
	<b>Materiale nje perdorimeshe per kirurgji</b>			
31*	Perparese kirurgu sterile	Perparese kirurgu me peshe jo me pak se 55 g / cm <sup>2</sup> , me fundin e kraheve 8 cm te thurura me jake rrethore, me kemishe me materjal PP , e sterilizuar , me permasat L ; XL ; XXL. ngjyre jeshile ose blu	Copë	2,000
32	Perparese vizitoresh	Perparese vizitoresh me peshe jo me pake se 20 gr , me menqe elastike dhe jake rrethore	Copë	500
33*	Maske kirurgjikale	Cope e pathurur me 3 shtresa, celluloze , poliester , fiber , koficenti i filtrimit $\geq 99\%$ , me pershtates per hundën dhe lidhese , dimesionet 90 mm x 180 mm , pesha 2.8 gr	Copë	50,000
34	Kapele kirurgu	Cope e pathurur me peshe jo me pak se 25 gr.m <sup>2</sup> , me lidhese poshte qafes, pa latex.	Copë	1,000
35	Kapuc per infermjere	Cope e pathurur me peshe jo me pak se 25 gr.m <sup>2</sup> me fund elastik , pa latex.	Copë	1,000
36	Qese per veshje kepucesh	Qese PVC, me mbyllje elastike	Copë	1,000
37*	Beze kirurgjikale sterile 75x90cm	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me permasa te copes 75x90cm	Copë	1,500
38*	Beze kirurgjikal sterile me vrime 200 x 250 cm	Cope e pathurur e veshur me polietilen, jo invazive, me peshe jo me pak se 35 gr/m <sup>2</sup> , me vrime rrethore , me diameter 10 cm , me buze adesive,me permasa te copes	Copë	2,000

		200 x 250 cm		
39	Beze kirurgjikale sterile me vrime 75x90cm	Cope e pathurur, e veshur me polietilen, joinvazive, me peshe jo me pak se 35g/m2, me vrime rrethore , diameter 5 cm , me buze adesive, me permasa te copes 75x90cm	Copë	1,000
40*	Beze kirurgjikale sterile me vrime (100 x 150cm)	Cope e pathurur, e veshur me polietilen, joinvazive, me peshe jo me pak se 35g/m2, me vrime rrethore , me diameter 10 cm , me buze adesive, me permasa te copes 100 cm x 150 cm .	Copë	2,000
<b>Materiale qepes kirurgjikale</b>				
<b>Sutura mendafshi</b>				
41	Silk -USP 1, Gjatesia fijos 70-90cm; dimesnioni i ageve 40-50	me age 1/2 rrethore	Copë	120
42	Silk -USP 0, Gjatesia fijos 70-90cm; dimesnioni i ageve 40-50	me age 1/2 rrethore	Copë	120
43	Silk -USP 2-0, Gjatesia fijos 70-90cm; dimesnioni i ageve 30-35	me age 1/2 rrethore	Copë	120
44	Silk -USP3-0, Gjatesia fijos 70-90cm; dimesnioni i ageve 20-25	age 1/2 rrethore	Copë	120
45*	Silk -USP4-0, Gjatesia fijos 70-90cm; dimesnioni i ageve 20-30	me age 1/2 rrethore shpuese	Copë	120
<b>Sutura Sintetike te Absorbueshme</b>				
46*	Poliglctin ose PGA , Coated- USP 1; Gjatesia e fijos 70-90 cm; Dimensiononi i ageve 40-50	me age 1/2 rrethore	Copë	4,000
47*	Poliglctin ose PGA , Coated- USP 0; Gjatesia e fijos 70-90 cm; Dimensiononi i ageve 40-50	me age 1/2 rrethore	Copë	3,000

48*	Poliglctin ose PGA , Coated- USP 2- 0; Gjatesia e fijos 70-90 cm; Dimensioni i ageve 30-40	me age 1/2 rrethore	Copë	5,000
49*	Poliglctin ose PGA , Coated- USP 3- 0; Gjatesia e fijos 70-90 cm; Dimensioni i ageve 20-30	me age 1/2 rrethore	Copë	4,000
50*	Poliglctin ose PGA , Coated- USP 4- 0; Gjatesia e fijos 70-90 cm; Dimensioni i ageve 20-30	me age 1/2 rrethore	Copë	1,200
51	Poliglctin ose PGA , Coated-USP5-0, Gjatesia fijos 70- 90cm; dimesnioni i ageve 17-22	me age 1/2 rrethore	Copë	200
52	Poliglctin ose PGA , Coated-USP6-0, Gjatesia fijos 70- 90cm; dimesnioni i ageve 17-22	me age 1/2 rrethore	Copë	100
53*	Poliglctin ose PGA , Coated- USP 2- 0; Gjatesia e fijos 2.5 m	me ligature pa age	Copë	2,000
54*	Poliglctin ose PGA , Coated- USP 3- 0; Gjatesia e fijos 2.5 m	me ligature pa age	Copë	1,000
55	Poliglctin ose PGA , Coated- USP 0; Gjatesia e fijos 2.5 m	me ligature pa age	Copë	300
56*	Poliglctin ose PGA , Coated- USP 1; Gjatesia e fijos 2.5 m	me ligature pa age	Copë	1,000
<b>Suture Polipropileni</b>				
57*	Polypropylene-USP1, Gjatesia fijos 70- 90cm; dimesnioni i ageve 30-40 mm	1/2 rrethore	Copë	1,000
58	Polypropylene-USP0, Gjatesia fijos 70- 90cm; dimesnioni i ageve 30-40 mm	1/2 rrethore	Copë	300
59*	Polypropylene-USP2- 0, Gjatesia fijos 70- 90cm; dimesnioni i	1/2 rrethore	Copë	1,000

	ageve 25-30 mm			
60*	Polypropylene-USP3-0, Gjatesia fijes 70-90cm; dimesnioni i ageve 25-30 mm	1/2 rrethore	Copë	1,000
61	Polypropylene-USP4-0, Gjatesia fijes 60-90cm; dimesnioni i ageve 25-30 mm	1/2 rrethore	Copë	600
	<b>Sutura PVDF</b>			
	<b>Sutura PVDF e verdhe</b>			
	<b>Mesh kirurgjikal per hernia-laparaskopi.</b>			
62	Mesh e vogel	Pjeserisht e absorbueshme (90-120 dite) me perberje polipropilen dhe PGA dhe koprolakton (PP/PGACL)Fije monofilament; pesha e meshes < 30 g/m2, siperfaqja jo me pak se 150cm2	Copë	40
63	Mesh e madhe	Pjeserisht e absorbueshme (90-120 dite) me perberje polipropilen dhe PGA dhe koprolakton (PP/PGACL)Fije monofilament; pesha e meshes < 30 g/m2, siperfaqja jo me pak se 900cm2, porozitet > 75 mikron	Copë	10
	<b>Sutura per okulistike</b>			
	<b>Te tjera materiale qepes kirurgjikale</b>			
	<b>Dezifektante Mjekesore dhe Kirurgjikale</b>			
64*	Dezinfektant instrumentash me baze Glutaraldehyde-Formaldehyde	Per dezinfektimin manual te instrumenteve kirurgjikale, perfishire endoskopet dhe fibroskopet. Te kete efekt baktericid, fungicid, tuberkulocid, antiviral (perfshire HBV/HIV)Te furnizohet si komplet me solucion e pa - aktivizuar dhe aktivizuesin per perzierjen dhe perftimin e solucionit te gatshem per perdorim.Permbajtja: min. 2% glutaraldyhe, etj. Te furnizohet si solucion i gatshem per perdorim (max 5 litra / ene). Te kete referenca perdorimi nga firmat e njohura te endoskopeve dhe	litra	300

		<i>fibroskopeve</i>		
65	<i>Solucion i koncentruar enzimatik</i>	<i>Per pastrimin e mbetjeve ne instrumentat mjekesore-kirurgjikale, vecanerisht endoskopet dhe instrumentat mjekesore dhe kirurgjikale me pjese te levizeshme dhe lumene te vegjel.Te kete baze enzimatiqe. Te furnizohet si koncentrat per tu holluar me uje ne masen 1-3% . Te jete efektiv per pune ne uje me temperature te zakonshme (~20°)</i>	<i>litra</i>	<b>100</b>
66	<i>Detergjent</i>	<i>Dezinfektim të shpejtë dhe të vazhdueshme të të gjitha sipërfaqeve, plane sanitare, dysheme, dhe objekteve. Dezinfektanti permban 10 % Didecildimetilammonio Cloruro dhe 2 % Isotiazolinone Magnesio Cloruro , perdoret duke u tretur 20 ml ne 1 liter uje</i>	<i>litra</i>	<b>150</b>
67*	<i>Xhel shumepedorimsh</i>	<i>Per desinfektimin e duarve te personelit mjekesor , Antiseptik i shpejte dhe efektiv, i gatshem për ta përdorur , pa nevojën përdorimit e ujit per shplarje. Te furnizohet ne ene 1 - 3 liter te pajisura me dozator.</i>	<i>litra</i>	<b>500</b>
68	<i>Chlorhexidine gluconate</i>	<i>4% chlorexidine gluconate; . Antiseptik me efekt baktericid, fungicid, antiviral . Për kirurgët per desinfektimin e duarve , larja e plotë e pacientëve përpara ndërhyrjes kirurgjikale, i gatshem për ta përdorur</i>	<i>litra</i>	<b>100</b>
69	<i>Peroksid Hidrogjeni 3%</i>	<i>Peroksid hidrogjeni 3% e vëllimit . Për përdorim të te plageve te jashtëme , i gatshëm për ta përdorur</i>	<i>litra</i>	<b>120</b>
70	<i>Formaldehid</i>	<i>Solucion 35-40%</i>	<i>litra</i>	<b>80</b>

**Afatet e lëvrimit:**

**Për arsye të krijimit të një sigurie në lëvrimin e mallit, pa krijuar vonesa dhe mbulimin në kohë të problemeve të shërbimit, Autoriteti Kontraktor do të lidhë me operatorin ekonomik fitues të dalë nga procedura e prokurimit, kontrata bazuar në nevojat e tyre brenda një periudhe 12 (dymbëdhjetë) mujore, për materiale mjekimi për të dy lotet, si më poshtë:**

- **30% të sasive të pritshme – minikontrata e I**
- **30% të sasive të pritshme – minikontrata e II**

- **Deri në 40% të sasive të prítshme – minikontrata e III**

*Përsjashtimisht këtij përcaktimi, Autoriteti Kontraktor mund të lidhë kontratë për çdo nevojë për materiale ndihmëse laboratorike, të listës së planifikuar, që del e papritur dhe është e domosdoshme në çdo kohë.*

*Për çdo kontratë të lidhur, afatet e lëvrimit të përcaktuara nga Autoriteti Kontraktor, dhe të jenë minimumi 30 ditë nga data e lidhjes së kontratës mes palëve, përveç rasteve të dakordësuara mes palëve kontraktuale.*

*Në rastin e lëvrimeve me afat më të shkurtër se 30 ditë, Autoriteti Kontraktor do të njoftojë OE fitues 30 ditë përpara lidhjes së kontratës për sasi të nevojshme.*

**AK do të paraqesë kërkesën për ofertë për lidhjen e kontratës pasardhëse të paktën 20 ditë para lidhjes së kontratës pasardhëse.**

**Vendi i Dorëzimit: Pranë Drejtorisë së Shërbimit Spitalor Korçë.**

III.3.4. Referuar nenit 2 të ligjit 162/2020 “Për Prokurimin Publik” i ndryshuar i cili parashikon shprehimisht se:

“Qëllim i këtij ligji është:

- a) të rrisë eficientë dhe efikasitetin në procedurat e prokurimit publik;*
- b) të sigurojë mirëpërdorim të fondeve publike dhe të ulë shpenzimet procedurale;*
- c) të nxisë pjesëmarrjen e operatorëve ekonomikë në procedurat e prokurimit publik;*
- ç) të nxisë konkurrencën ndërmjet operatorëve ekonomikë;*
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;*
- dh) të sigurojë integritet, besim publik dhe transparencë në procedurat e prokurimit publik.”*

Nenit 3, “Parime të përgjithshme” i ligjit 162/2020 “Për Prokurimin Publik” i ndryshuar parashikon shprehimisht se:

“1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.

2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar.

3. Autoritetet dhe entet kontraktore janë të detyruara të zbatojnë detyrimet e përcaktuara në legjisllacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën”

Nenit 21 “Autoriteti ose enti kontraktor” i ligjit 162/2020 “Për Prokurimin Publik” i ndryshuar parashikon shprehimisht se: “Autoriteti ose enti kontraktor është përgjegjës për prokurimin në përputhje me dispozitat e këtij ligji dhe të akteve nënligjore të nxjerra në zbatim të tij, duke garantuar respektimin e parimeve të trajtimit të barabartë, transparencës, konkurrencës dhe mosdiskriminimit, të parashikuara në këtë ligj. Në kuptim të kësaj pike, autoriteti ose enti kontraktor ka detyrimin të mirëplanifikojë në cilësi dhe në kohë fondet

*publike e nevojat e tij dhe të prokurojë e të zbatojë kontratën në përputhje me legjislacionin në fuqi”.*

III.3.5. Referuar nenit 77 të ligjit 162/2020 “Për Prokurimin Publik” i ndryshuar, i cili parashikon shprehimisht se:

*“1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:*

*a) përshtatshmërinë për të kryer veprimtarinë profesionale;*

*b) gjendjen ekonomike dhe financiare;*

*c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.*

*2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.*

*3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.*

*4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e*

nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve”.

III.3.6. Në nenin 40 “Kërkesat e veçanta për kontratat e mallrave”, pika 3 dhe 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, parashikohet shprehimisht se:

“3.Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.”

6. Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si:

a) mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces. Mostrat i kthehen ofertuesit, me kërkesën e tij, brenda 30 (tridhjetë) ditëve, pas nënshkrimit të kontratës ose marrëveshjes kuadër, me kusht që kontrata në fjalë ose marrëveshja kuadër të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit; dhe/ose

b) fotografitë apo katalogët teknikë; dhe/ose

c) dëshmi për rezultatet e testeve zyrtare, të lëshuara nga institucione të autorizuar, që vërtetojnë pajtueshmërinë e produkteve me specifikimet teknike”.

III.3.7. Komisioni i Prokurimit Publik gjykon, se në përcaktimin apo vendosjen e kriterëve specifike, që në thelb konsiderohen si kriterë fituese, për shkak të rëndësisë që kanë, ligjëvendësi i ka parashikuar kufizime autoriteteve kontraktore brenda diskrecionit që ka në përzgjedhjen e tyre. Në këtë mënyrë, dispozitat e sipërpërmendura, urdhërojnë, se përcaktimi i këtyre kriterëve duhet të jetë: (i) në përpjesëtim dhe të lidhura ngushtë me aftësinë zbatuese, natyrën dhe vlerën e kontratës (ii) Në çdo rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike,

reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Autoriteti kontraktues është organi përgjegjës për prokurimin e fondeve publike, në përputhje me dispozitat ligjore e nënligjore në fuqi. Në këtë kuadër, përcaktimi i kriterëve të veçanta për kualifikim është lënë nën përgjegjësinë e autoritetit kontraktues, gjithnjë në përputhje e përpjesëtim me objektin e natyrën e kontratës objekt-prokurimi. Autoriteti kontraktues është në të drejtën e tij për të përcaktuar kriteret për kualifikim, mjafton që ato të mos jenë diskriminuese e përjashtuese.

III.3.8. Referuar pretendimeve të operatorit ekonomik ankimues të paraqitura në ankesë Komisioni i Prokurimit Publik gjykon, se është me vend të ndalet në faktin nëse kërkesa për paraqitjen e mostrave për secilin prej artikujve të kërkuar nga autoriteti kontraktor është në proporcion me objektin e kontratës që do të prokurohet në zbatim të nenit 77 pika 1 të LPP-së. Në rastin konkret KPP konstaton, se synimi bazë i autoritetit kontraktor është vërtetimi se subjektet ofertuese zotërojnë kapacitetet e nevojshme për realizimin e kontratës. KPP konstaton, se për përmbushjen e këtij synimi, autoriteti kontraktor ka parashikuar në dokumentet e procedurës së prokurimit jo vetëm kriterë kualifikimi të cilat lidhen me vërtetimin e kapacitetit teknik, por edhe kriterë të tjera kualifikimi të cilat lidhen me vërtetimin e plotësimin të specifikimeve teknike të produktit me anë të dorëzimit të mostrave, por KPP gjykon, se kërkesa e mësipërme e autoritetit kontraktor mbi dorëzimin e mostrave për artikujt e përcaktuar nga autoriteti kontraktor, nuk është një kërkesë në përputhje me objektin e prokurimit, si dhe me volumin dhe përmasat e kontratës dhe shkon përtej asaj se çfarë është e nevojshme për realizimin e synimit. Referuar materialeve të fashikullit të shqyrtimit administrativ, si dhe kthimit të përgjigjes lidhur me këtë pretendim, autoriteti kontraktor nuk ka arritur të argumentojë, se përse është e nevojshme paraqitja e mostrave të caktuara për këtë procedurë prokurimi. Mostra në vetvete ka qëllim verifikimin e përputhshmërisë së specifikimeve teknike të artikujve me specifikimet teknike të kërkuara nga autoriteti kontraktor, qëllim i cili përmbushet nga operatorët ekonomikë me paraqitjen e skedës teknike ose katalogëve, të cilët autoriteti kontraktor në mënyrë alternative i ka kërkuar si kusht për kualifikim në pikën 5 të pikës 2.3. të kriterëve të veçanta të kualifikimit ku shprehimisht ka kërkuar: *“Operatori ekonomik ofertues duhet të paraqesë skedë teknike/katalog teknik nga prodhuesi për të gjithë artikujt objekt prokurimi, ku të pasqyrohen specifikimet teknike të kërkuara. Në katalog duhet të tregohen dhe të markohen qartë karakteristikat teknike të artikujve të ofruar, në mënyrë që të krahasohet pajtueshmëria e tyre me specifikimet teknike të kërkuara në dokumentet standarde të tenderit, të përcaktuara në shtojcën 6 “Formulari i specifikimeve teknike”*. Sa më sipër, Komisioni i Prokurimit Publik vlerëson, se verifikimi i përputhshmërisë së specifikimeve teknike të autoritetit kontraktor me specifikimet teknike të artikujve, sigurohet nga operatorët ekonomikë që shfaqin interes për të marrë pjesë në procedurën e prokurimit edhe përmes paraqitjes së skedës teknike apo katalogut siç është përcaktuar në dokumentet e tenderit. Në këtë kuadër KPP gjykon, se kërkesa e autoritetit kontraktor e përcaktuar në pikën 8 të pikës 2.3. të kriterëve të veçanta të kualifikimit, lidhur me paraqitjen e mostrave për artikujt e caktuar, është një kërkesë e ekzagjeruar dhe në kundërshtim me qëllimin e lex specialis si dhe rregullat e prokurimit publik, të cilat kanë si synim nxitjen e konkurrencës dhe sigurimin e një trajtimi të barabartë

dhe jodiskriminues për të gjithë operatorët ekonomik pjesëmarrës në procedurat e prokurimit, prandaj autoriteti kontraktor duhet të marrë masa për heqjen e këtij kriteri për kualifikim nga dokumentet e tenderit të procedurës së prokurimit objekt - ankimi..

### Sa më sipër, pretendimi i operatorit ekonomik ankimues qëndron.

III.4. Lidhur me pretendimet e operatorit ekonomik ankimues “SoLed” SHPK për modifikimin e specifikimeve teknike të materiale mjekimi kirurgjikale të procedurë së prokurimit objekt – ankimi për artikullin 67, Komisioni i Prokurimit Publik, vëren se,

III.4.1 Në Shtojcën 6, “Formulari i Specifikimeve Teknike” të dokumentave të tenderit objekt ankimi,, autoriteti kontraktor ka kërkuar si më poshtë vijon::

#### Shtojca 6.

[ Shtojcë për t’u plotësuar nga Autoriteti/Enti Kontraktor]

- **FORMULARI I SPECIFIKIMEVE TEKNIKE**
- **“Blerje materiale mjekimi konsumabël dhe kirurgjikale ”**

Nr	Artikulli	Specifikime	Njesia
	<b>Materiale mjekimi per Anestezi -reanimacion</b>		
1	Kanjule intravenoze	14G , me valvol	Copë
2	Kanjule intravenoze	16G , me valvol	Copë
3*	Kanjule intravenoze	18G , me valvol	Copë
4*	Kanjule intravenoze	20G , me valvol	Copë
5*	Kanjule intravenoze	22G , me valvol	Copë
6*	Kanjule intravenoze	24G, me valvol	Copë
7	<i>Age mielogramë, age (gjilpërë) për aspirimin e palcës kockore, e pajisur me dorezë, njëpërdorimëshe</i>	<i>tip troakar , 16-18 G, L=75-90 mm, me dorezë regjistruese</i>	Copë
8	Age spinale e zakonshme	22G - 26G, L=7-9 cm	Copë
9	Age spinale atraumatike	Pencil point; 22G - 26G; L=7-9cm	Copë
10*	Kateter zgjatues venoz	Zgjatues 120-150cm	Copë
11	Ventil tre-rrugesh		Copë
12	Ventil tre-rrugesh me zgjatues	Tub 10-25 cm gjatesi	Copë
13	Sonde gastrike		Copë
14	Sonde rektale pediatrike		Copë
15*	Qese urine	2000ml, me valvol	Copë
16*	Kateter urinar	2 rrugesh, 16 ch, balon 30 -50 ml	Copë
17*	Kateter urinar	2 rrugesh,20 ch, balon 30-50 ml	Copë
18	Kateter urinar	2 rrugesh, 18 ch, balon 30-50 ml	Copë
19	Kateter urinar	2 rrugesh, 14 ch, balon 30-50 ml	Copë

20	Sfungjer Nazal pa fill, epistaksis	Me perberje polivinil acetat i hidroksilizuar, kompresim i dyfisht, pa fibra, me absorbim te larte, hemostatik dhe biokompatibel, me permasa: Gjatesi 10 cm, gjeresi 1.5 cm dhe lartesi 2.5 cm	Copë
21	Sfungjer Nazal me fill	Me perberje polivinil acetat i hidroksilizuar, kompresim i dyfisht, me absorbim te larte, hemostatik dhe biokompatibel, me permasa: Gjatesi 8cm, gjeresi 1.5 cm dhe lartesi 2 cm	Copë
<b>Shiringa, Age</b>			
22	Shiringa 50cc	Shiringe nje perdorimeshe , sterile , me Age 20 G , 3 pjese,	Copë
23*	Shiringa 20cc	Shiringe nje perdorimeshe , sterile , me Age 20 G , 3 pjese,	Copë
24*	Shiringa 10cc	Shiringe nje perdorimeshe , sterile , me Age 21 G , 3 pjese,	Copë
25*	Shiringa 5cc	Shiringe nje perdorimeshe , sterile , me Age 22 G , 3 pjese,	Copë
26*	Shiringa 2cc	Shiringe nje perdorimeshe , sterile , me Age 23G , 3 pjese,	Copë
27	Age flutur 20G	sterile	Copë
28	Age flutur 22G	sterile	Copë
29	Age flutur 24G	sterile	Copë
30	Shiringa 50cc	Shiringe nje perdorimeshe , sterile me gryke hinke	Copë
<b>Materiale nje perdorimeshe per kirurgji</b>			
31*	Perparese kirurgu sterile	Perparese kirurgu me peshe jo me pak se 55 g / cm <sup>2</sup> , me fundin e kraheve 8 cm te thurura , me jake rrethore, me kemishe me materjal PP , e sterilizuar , me permasat L ; XL ; XXL. ngjyre jeshile ose blu	Copë
32	Perparese vizitoresh	Perparese vizitoresh me peshe jo me pake se 20 gr , me mence elastike dhe jake rrethore	Copë
33*	Maske kirurgjikale	Cope e pathurur me 3 shtresa, celluloze , poliester , fiber , koficenti i filtrimit ≥ 99 % , me pershtates per hundën dhe lidhese , dimezionet 90 mm x 180 mm , pesha 2.8 gr	Copë
34	Kapele kirurgu	Cope e pathurur me peshe jo me pak se 25 gr.m <sup>2</sup> , me lidhese poshte qafes, pa latex.	Copë
35	Kapuc per infermjere	Cope e pathurur me peshe jo me pak se 25 gr.m <sup>2</sup> me fund elastik , pa latex.	Copë
36	Qese per veshje kepucesh	Qese PVC, me mbyllje elastike	Copë
37*	Beze kirurgjikale sterile 75x90cm	Cope e pathurur, e veshur me polietilen, joinvazive, me peshe jo me pak se	Copë

		35g/m <sup>2</sup> , me permasa te copes 75x90cm	
38*	Beze kirurgjikal sterile me vrimë 200 x 250 cm	Cope e pathurur e veshur me polietilen, jo invazive, me peshe jo me pak se 35 gr/m <sup>2</sup> , me vrimë rrethore , me diameter 10 cm , me buze adesive,me permasa te copes 200 x 250 cm	Copë
39	Beze kirurgjikale sterile me vrimë 75x90cm	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me vrimë rrethore , diameter 5 cm , me buze adesive, me permasa te copes 75x90cm	Copë
40*	Beze kirurgjikale sterile me vrimë (100 x 150cm)	Cope e pathurur, e veshur me polietilen, joinvazive, me peshe jo me pak se 35g/m <sup>2</sup> , me vrimë rrethore , me diameter 10 cm , me buze adesive, me permasa te copes 100 cm x 150 cm .	Copë
	<b>Materiale qepes kirurgjikale</b>		
	<b>Sutura mendafshi</b>		
41	Silk -USP 1, Gjatesia fijes 70-90cm; dimesnioni i ageve 40-50	me age 1/2 rrethore	Copë
42	Silk -USP 0, Gjatesia fijes 70-90cm; dimesnioni i ageve 40-50	me age 1/2 rrethore	Copë
43	Silk -USP 2-0, Gjatesia fijes 70-90cm; dimesnioni i ageve 30-35	me age 1/2 rrethore	Copë
44	Silk -USP3-0, Gjatesia fijes 70-90cm; dimesnioni i ageve 20-25	age 1/2 rrethore	Copë
45*	Silk -USP4-0, Gjatesia fijes 70-90cm; dimesnioni i ageve 20-30	me age 1/2 rrethore shpuese	Copë
	<b>Sutura Sintetike te Absorbueshme</b>		
46*	Poliglctin ose PGA , Coated-USP 1; Gjatesia e fijes 70-90 cm; Dimensiononi i ageve 40-50	me age 1/2 rrethore	Copë
47*	Poliglctin ose PGA , Coated-USP 0; Gjatesia e fijes 70-90 cm; Dimensiononi i ageve 40-50	me age 1/2 rrethore	Copë
48*	Poliglctin ose PGA , Coated-USP 2- 0; Gjatesia e fijes 70-90 cm; Dimensiononi i ageve 30-40	me age 1/2 rrethore	Copë

49*	Poliglctin ose PGA , Coated-USP 3- 0; Gjatesia e fijes 70-90 cm; Dimensioni i ageve 20-30	me age 1/2 rrethore	Copë
50*	Poliglctin ose PGA , Coated-USP 4- 0; Gjatesia e fijes 70-90 cm; Dimensioni i ageve 20-30	me age 1/2 rrethore	Copë
51	Poliglctin ose PGA , Coated-USP5-0, Gjatesia fijes 70-90cm; dimesnioni i ageve 17-22	me age 1/2 rrethore	Copë
52	Poliglctin ose PGA , Coated-USP6-0, Gjatesia fijes 70-90cm; dimesnioni i ageve 17-22	me age 1/2 rrethore	Copë
53*	Poliglctin ose PGA , Coated-USP 2- 0; Gjatesia e fijes 2.5 m	me ligature pa age	Copë
54*	Poliglctin ose PGA , Coated-USP 3- 0; Gjatesia e fijes 2.5 m	me ligature pa age	Copë
55	Poliglctin ose PGA , Coated-USP 0; Gjatesia e fijes 2.5 m	me ligature pa age	Copë
56*	Poliglctin ose PGA , Coated-USP 1; Gjatesia e fijes 2.5 m	me ligature pa age	Copë
<b>Suture Polipropileni</b>			
57*	Polypropylene-USP1, Gjatesia fijes 70-90cm; dimesnioni i ageve 30-40 mm	1/2 rrethore	Copë
58	Polypropylene-USP0, Gjatesia fijes 70-90cm; dimesnioni i ageve 30-40 mm	1/2 rrethore	Copë
59*	Polypropylene-USP2-0, Gjatesia fijes 70-90cm; dimesnioni i ageve 25-30 mm	1/2 rrethore	Copë
60*	Polypropylene-USP3-0, Gjatesia fijes 70-90cm; dimesnioni i ageve 25-30 mm	1/2 rrethore	Copë
61	Polypropylene-USP4-0, Gjatesia fijes 60-90cm; dimesnioni i ageve 25-30 mm	1/2 rrethore	Copë
<b>Sutura PVDF</b>			
<b>Sutura PVDF e verdhe</b>			
<b>Mesh kirurgjikal per hernia-laparaskopi.</b>			

62	Mesh e vogel	Pjeserisht e absorbueshme (90-120 dite) me perberje polipropilen dhe PGA dhe koprolakton (PP/PGACL)Fije monofilament; pesha e meshes < 30 g/m2, siperfaqja jo me pak se 150cm2	Copë
63	Mesh e madhe	Pjeserisht e absorbueshme (90-120 dite) me perberje polipropilen dhe PGA dhe koprolakton (PP/PGACL)Fije monofilament; pesha e meshes < 30 g/m2, siperfaqja jo me pak se 900cm2, porozitet > 75 mikron	Copë
	<b>Sutura per okulistike</b>		
	<b>Te tjera materiale qepes kirurgjikale</b>		
	<b>Dezifektante Mjekesore dhe Kirurgjikale</b>		
64*	Dezinfektant instrumentash me baze Glutaraldehide-Formaldehide	Per dezinfektimin manual te instrumenteve kirurgjikale, perfshire endoskopet dhe fibroskopet. Te kete efekt baktericid, fungicid, tuberkulocid, antiviral (perfshire HBV/HIV)Te furnizohet si komplet me solucion e pa -aktivizuar dhe aktivizuesin per perzierjen dhe perftrimin e solucionit te gatshem per perdorim.Permbajtja: min. 2% glutaraldehyde, etj. Te furnizohet si solucion i gatshem per perdorim (max 5 litra / ene). Te kete referenca perdorimi nga firmat e njohura te endoskopeve dhe fibroskopeve	litra
65	Solucion i koncentruar enzimatik	Per pastrimin e mbetjeve ne intrumentat mjekesore-kirurgjikale, vecanerisht endoskopet dhe instrumentat mjekesore dhe kirurgjikale me pjese te levizeshme dhe lumene te vegjel.Te kete baze enzimatiqe. Te furnizohet si koncentrat per tu holluar me uje ne masen 1-3% . Te jete efektiv per pune ne uje me temperature te zakonshme (~20°)	litra
66	Detergjent	Dezinfektim të shpejtë dhe të vazhdueshme të të gjitha sipërfaqeve, plane sanitare, dysheme, dhe objekteve. Dezinfektanti permban 10 % Didecildimetilammonio Cloruro dhe 2 % Isotiazolinone Magnesio Cloruro , perdoret duke u tretur 20 ml ne 1 liter uje	litra
67*	Xhel shumeperdorimsh	Per desinfektimin e duarve te personelit mjekesor , Antiseptik i shpejte dhe efektiv, i gatshem për ta përdorur , pa nevojën për dorimin e ujit për shpëlarje. Te	litra

		furnizohet ne ene 1 - 3 liter te pajisura me dozator.	
68	Chlorhexidine gluconate	4% chlorexidine gluconate; . Antiseptik me efekt baktericid, fungicid, antiviral . Për kirurgët per desinfektimin e duarve , larja e plotë e pacientëve përpara ndërhyrjes kirurgjikale, i gatshem për ta përdorur	litra
69	Peroksid Hidrogjeni 3%	Peroksid hidrogjeni 3% e vëllimit . Për përdorim të te plageve te jashtëme , i gatshëm për ta përdorur	litra
70	Formaldehid	Solucion 35-40%	litra

**Ambalazhimi:** Ambalazhimi i materialeve duhet të jetë i përshtatshëm sipas llojit të mallit të shoqëruar me etiketat dhe markimin përkatës.

**Afati i Skadencës:** Data e përfundimit të përdorimit (skadencia) duhet te jetë i shënuar në ambalazh. Afati i skadencës duhet të jetë jo me i vogel se 18 (tetëmbëdhjetë) muaj nga data e lëvrimin të mallit në destinacion.

**Shënim: Për çdo certifikatë, standard, markë, emër i veçantë, patentë, vizatim ose tip, origjinë specifike, prodhues ose sipërmarrës të përmendur më lart, pranohet edhe ekuivalenti i tyre**

III.4.2. Në nenin 2 “Qëllimi” të ligjit 162/2020 “Për Prokurimin Publik”, parashikohet shprehimisht se:

“Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.”

Ndërkohë në nenin 3 “Parime të përgjithshme” të ligjit 162/2020 “Për Prokurimin Publik”, parashikohet shprehimisht se:

“1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.

2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar.

3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën.”

III.4.3. Neni 21 pika 1 “Autoriteti ose enti kontraktor” i ligjit 162/2020 “Për Prokurimin Publik”, parashikon shprehimisht se: *Autoriteti ose enti kontraktor është përgjegjës për prokurimin në përputhje me dispozitat e këtij ligji dhe të akteve nënligjore të nxjerra në zbatim të tij, duke garantuar respektimin e parimeve të trajtimit të barabartë, transparencës, konkurrencës dhe mosdiskriminimit, të parashikuara në këtë ligj.*

III.4.4. Në nenin 36, “Specifikimet teknike” të ligjit 162/2020 “Për Prokurimin Publik”, parashikohet shprehimisht se:

*“1. Specifikimet teknike, siç përcaktohen në nenin 4 të këtij ligji, duhet të përshkruhen në dokumentet e tenderit. Në specifikimet teknike përcaktohen qartë karakteristikat e punëve, shërbimit ose furnizimit që do të prokurohet.*

*Këto karakteristika mund të lidhen edhe me procesin specifik ose metodën e prodhimit ose ofrimit të punëve, furnizimeve ose shërbimeve të kërkuara ose me një proces specifik për një fazë tjetër të ciklit jetësor edhe kur këta faktorë nuk përbëjnë përmbajtjen e saj thelbësore nëse ato janë të lidhura me objektin e kontratës dhe proporcionale me vlerën dhe objektivat e saj.*

*Në specifikimet teknike mund të specifikohet edhe nëse do të jetë i nevojshëm transferimi i të drejtave të pronësisë intelektuale.*

*Specifikimet teknike, me përjashtim të rasteve të justifikuara plotësisht, hartohen në mënyrë të tillë që të marrin në konsideratë kriteret e aksesueshmërisë për personat me aftësi të kufizuar ose projektimit për të gjithë përdoruesit, sipas kërkesave në legjislacionin në fuqi.*

*2. Specifikimet teknike duhet të mundësojnë trajtim të barabartë për të gjithë kandidatët dhe ofertuesit dhe të mos shërbejnë si pengesa për konkurrencën e hapur në prokurimin publik.*

*3. Specifikimet teknike duhet të përshkruajnë qartë kërkesat e autoritetit ose entit kontraktor, duke iu referuar:*

*a) kërkesave funksionale ose të performancës, përfshirë karakteristikat mjedisore, me kusht që parametrat të jenë të saktë në mënyrë që t’u japin mundësi ofertuesve të përcaktojnë objektin e kontratës dhe autoriteteve ose enteve kontraktore të japin kontratën;*

*b) standardeve kombëtare, që mbështeten në ato ndërkombëtare, miratimeve teknike ndërkombëtare, specifikimeve teknike të përgjithshme, standardeve ndërkombëtare apo sistemeve të tjera teknike të referimit, të përcaktuara nga organet ndërkombëtare të standardizimit. Kur këto nuk ekzistojnë, ato u referohen standardeve kombëtare, miratimeve teknike kombëtare ose specifikimeve teknike kombëtare, që lidhen me projektimin, përlllogaritjen dhe ekzekutimin e punëve ose përdorimin e produkteve;*

*c) kërkesave në terma funksionalë sipas shkronjës “a”, referuar specifikimeve teknike sipas shkronjës “b” të kësaj pike, si mënyrë që nënkupton pajtueshmëri me kërkesat funksionale;*

*ç) të dyja metodave të përcaktuara në shkronjat “a” dhe “b” të pikës 3 të këtij neni, për mallra, shërbime ose punë të ndryshme, të përfshira në të njëjtin objekt kontrate. Çdo referencë duhet të shoqërohet nga fjalët “ose ekuivalenti i tij/saj”.*

4. Në specifikimet teknike, nëse nuk e justifikon objekti i kontratës, nuk duhet të përmendet asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve. Një gjë e tillë lejohet vetëm në raste përjashtimore kur nuk ekziston një mënyrë e mjaftueshme, e saktë apo e kuptueshme e përshkrimit të objektit të kontratës, sipas pikës 3 të këtij neni. Referime të tilla duhet të shoqërohen nga fjalët “ose ekuivalente”.

5. Në rast se autoriteti ose enti kontraktor përcakton specifikimet teknike në bazë të shkronjës “b” të pikës 3 të këtij neni, nuk mund të refuzojë një ofertë me argumentin se punët, furnizimet apo shërbimet për të cilat është dorëzuar oferta nuk plotësojnë specifikimet teknike, të cilave u referohen, për sa kohë që ofertuesi provon në ofertën e tij me çdo mjet të përshatshëm që zgjidhjet e propozuara përmbushin kërkesat e përcaktuara në specifikimet teknike në mënyrë ekuivalente.

6. Në rast se autoriteti ose enti kontraktor përcakton specifikimet teknike në bazë të shkronjës “a” të pikës 3 të këtij neni, ai nuk mund të refuzojë një ofertë për punë, mallra apo shërbime, e cila është në përputhje me standardet kombëtare, që mbështeten në ato ndërkombëtare, miratimet teknike ndërkombëtare, specifikimet teknike të përgjithshme, standardet ndërkombëtare apo sistemet e tjera teknike të referimit, të përcaktuara nga organet ndërkombëtare të standardizimit kur këto specifikime teknike përmbushin kriteret funksionale, të përcaktuara nga autoriteti/enti kontraktor.”.

III.4.5. Komisioni i Prokurimit Publik, gjykon, se është e nevojshme të ndalet në një interpretim të zgjeruar të dispozitës së lex specialis, mbi mënyrën e hartimit të specifikimeve teknike. Autoritetet kontraktore në hartimin e specifikimeve teknike, krahas përshkrimit të saktë të nevojave të këtij të fundit, duhet të kenë në vëmendje faktin, se hartimi i specifikimeve teknike duhet bërë në një mënyrë gjithëpërfshirëse, duke krijuar kushte për konkurrin të paanshëm e të hapur ndërmjet të gjithë kandidatëve e ofertuesve, duke përshkruar sa më saktë dhe në mënyrë të plotë karakteristikat e mallrave/shërbimeve/punëve dhe në përputhshmëri me objektin e kontratës. Për këtë qëllim ligjvënësi ka parashikuar, se këto karakteristika mund të lidhen edhe me procesin specifik ose metodën e prodhimit ose ofrimit të punëve, furnizimeve ose shërbimeve të kërkuara ose me një proces specifik për një fazë tjetër të ciklit jetësor, edhe kur këta faktorë nuk përbëjnë përmbajtjen e saj thelbësore, nëse ato janë të lidhura me objektin e kontratës dhe proporcionale me vlerën dhe objektivat e saj. Ligjvënësi ka parashikuar qartësisht në nenin 36 pika 1 paragrafi 4 të ligjit nr.162/2020 “Për prokurimin publik”, se duhet të mundësojnë trajtim të barabartë për të gjithë kandidatët dhe ofertuesit dhe të mos shërbejnë si pengesa për konkurrencën e hapur në prokurimin publik.

Në respekt të parimit të mësipërm, specifikimet teknike, në asnjë rast nuk duhet të diskriminojnë/përjashtojnë nga konkurrimi operatorët ekonomikë ofertues dhe/ose prodhuesit qofshin këta kombëtar apo ndërkombëtarë. Në hartimin e specifikimeve teknike, autoritetet kontraktore duhet të shmangin çdo formë diskriminimi, qoftë ato të dukshme, qoftë ato të fshehta, të cilat kanë të njëjtin efekt.

Në asnjë rast, specififikimet teknike nuk duhet të hartohen në mënyrë që të drejtojnë drejt një produkti/malli/shërbimi, që ofrohen nga një operator i vetëm ekonomik ose nga një prodhues i vetëm. KPP-ja gjykon, se parashikimet e mësipërme duhet të zbatohen në të gjithë procedurat e prokurimit, me përjashtim të rasteve ku vetë ligji i prokurimit publik, parashikon një përjashtim të tillë. Në hartimin e specififikimeve teknike, autoritetet kontraktore duhet të mbajnë në vëmendje faktin se specififikimet teknike duhet të përshkruajnë minimumin ose tërësinë e elementeve më të rëndësishme përbërëse, që garantojnë cilësinë e kërkuar, në përputhje me nenin 36 të LPP dhe që i vlerëson punët/mallrat/shërbimet, si të pranueshme për funksionet e kërkuara.

Gjithashtu, duke u ndalur në pikën 3 të nenit 36 të ligjit për prokurimin publik, KPP-ja gjykon, se ligjvënësi ka parashikuar katër metoda kryesore në hartimin e specififikimeve teknike. Metoda e parë lidhet me kërkesat funksionale ose të performancës, përfshirë karakteristikat mjedisore, me kusht që parametrat të jenë të saktë në mënyrë që t'u japin mundësi ofertuesve të përcaktojnë objektin e kontratës dhe autoriteteve ose enteve kontraktore të japin kontratën. Metoda e dytë mbështetet në standardet kombëtare, që mbështeten në ato ndërkombëtare, miratimeve teknike ndërkombëtare, specififikimeve teknike të përgjithshme, standardeve ndërkombëtare apo sistemeve të tjera teknike të referimit, të përcaktuara nga organet ndërkombëtare të standardizimit. Kur këto nuk ekzistojnë, ato u referohen standardeve kombëtare, miratimeve teknike kombëtare ose specififikimeve teknike kombëtare, që lidhen me projektimin, përlogaritjen dhe ekzekutimin e punëve ose përdorimin e produkteve. Metoda e tretë përfshin kërkesat në termat funksionale sipas metodës së parë, por referuar specififikimeve teknike të hartuara sipas metodës së dytë, si një mënyrë që nënkupton pajtueshmëri me kërkesat funksionale, si edhe të të dyja metodave të përcaktuara në shkronjat “a” dhe “b” të pikës 3 të nenit 36 të ligjit për prokurimin publik, për mallra, shërbime ose punë të ndryshme, të përfshira në të njëjtin objekt- kontrate. Çdo referencë duhet të shoqërohet nga fjalët “ose ekuivalenti i tij/saj”. Nga interpretimi teleologjik (qëllimi i normës juridike), arrijmë në përfundim, se e rëndësishme është që përmes specififikimeve teknike, autoriteti kontraktor të mundësojë një konkurrim të drejtë, të hapur, e gjithëpërfshirës, të barabartë dhe jodiskriminues për të gjithë operatorët ekonomikë, si edhe të mos drejtohen drejt një produkti të vetëm të ofruar nga një operator i vetëm ose nga një numër i kufizuar operatorësh ekonomikë. Gjithashtu, referuar nenit 42 të Direktivës 24/2014 “Për prokurimin publik” KE, parashikohet se: “Specifikimet teknike siç përcaktohen në pikën 1 të Shtojca VII do të përcaktohet në dokumentet e prokurimit. Specifikimi teknik përcakton karakteristikat që kërkohen për një punë, shërbim ose furnizim”. Gjithashtu, në nenin 4 paragrafi 38 të ligjit nr.162/2020 “Për prokurimin publik” përcaktohet “Specifikime teknike” janë: a) në rast të prokurimit publik të punëve, përmbledhje e të dhënave teknike të përfshira në dokumentacionin e tenderit, me të cilat janë përkufizuar karakteristikat e nevojshme të materialeve, prodhimeve ose mallrave për t'u përshtatur me përdorimin që i duhet autoritetit ose entit kontraktor. Këto karakteristika përfshijnë ndikimin mbi mjedisin jetësor dhe ndikime klimatike, përshkrim i të gjitha kushteve, duke përfshirë edhe procedurat për sigurim të cilësisë, terminologjinë, simbolet, metodat e testimit, paketimit, shënimit dhe etiketimit, si dhe udhëzime për shfrytëzim, proceset dhe metodat e prodhimit të objektit. Gjithashtu, këto karakteristika, përfshijnë rregulla nga projekti dhe rregulla për vlerësim të

shpenzimeve, kushte për testim, për inspektim dhe për pranim të punëve të realizuara, metoda ose teknika ndërtimore, si dhe të gjitha kushtet e tjera teknike, të cilat autoriteti ose enti kontraktor ka të drejtë t'i përcaktojë në pajtim me rregullat e përgjithshme dhe të veçanta në lidhje me objektin dhe materialet ose pjesët e përfshira; b) në rast të prokurimit publik të mallrave ose shërbimeve, specifikimi me të cilin përkufizohen karakteristikat e prodhimit ose shërbimit, siç janë niveli i cilësisë, ndikimi mbi mjedisin jetësor dhe ndikimet klimatike, përshkrim i të gjitha kushteve, duke përfshirë edhe arritshmëri për persona me aftësi të kufizuara dhe vlerësim të përputhshmërisë, niveli i realizimit, shfrytëzim i prodhimit, siguri ose dimensione, duke i përfshirë edhe kërkesat relevante për produktin në raport me emërtimin me të cilin shitet, terminologjinë, simbolet, testimet dhe metodat për testim, paketimin, shënimin dhe etiketimin, si dhe udhëzime për përdorim, proceset dhe metodat e prodhimit në secilën fazë të jetëgjatësisë së mallrave dhe shërbimeve, si dhe procedura për vlerësim të përputhshmërisë.”

Ndërsa, në pikën 1 të Shtojcës VII të Direktivës parashikohet se: "specifikim teknik" nënkupton njërin nga sa vijon: b) në rastin e kontratave të furnizimit publik ose shërbimeve, një specifikim në një dokument që përcakton karakteristikat e kërkuara të një produkti ose një shërbimi, siç janë nivelet e cilësisë, nivelet e performancës mjedisore dhe klimatike, modelimi për të gjithë kërkesat (përfshirë aksesin e personave me aftësi të kufizuara) dhe vlerësimin e konformitetit, performancën, përdorimin e tyre produkti, siguria ose dimensionet, përfshirë kërkesat që lidhen me produktin në lidhje me emrin nën të cilin produkti shitet, terminologji, simbole, metodat e provës dhe provës, paketimin, markimin dhe etiketimin, përdorues-udhëzimet, proceset e prodhimit dhe metodat në çdo fazë të ciklit jetësor të furnizimit ose shërbimit dhe procedurat e vlerësimit të konformitetit; Në vendimin e GJED Çështja C-368/10 “Komisioni Europian vs. Mbretëria e Holandës” inter alia dhe mutatis mutandis është arsyetuar se: “Specifikimet teknike të hartuara nga blerësit publik duhet të lejojnë që prokurimet publike të hapen në konkurrencë. Për këtë qëllim, duhet të jetë e mundur të dorëzohen tenderë që pasqyrojnë larminë e zgjidhjeve teknike. Prandaj, duhet të jetë e mundur të hartohen specifikimet teknike për sa i përket performancës funksionale dhe kushteve, dhe kur referimi bëhet në standardin Evropian ose, në mungesë të tij, ndaj standardit kombëtar, ofertuesit bazuar në marrëveshje ekuivalente duhet të merren në konsideratë nga autoritetet kontraktuese.”

Gjithashtu, nga ana tjetër Komisioni i Prokurimit Publik gjen me vend të sqarojë se është në të drejtë të operatorëve ekonomikë që në respekt të nenit 109 e vijues të ligjit nr.162/2020 ”Për prokurimin publik” të parashitë pretendime mbi modifikimin e dokumentave të procedurës së prokurimit përfshirë edhe specifikimet teknike të procedurës, brenda afatit të përcaktuar në nenin 110 pika 1 të ligjit. Komisioni i Prokurimit Publik vlerëson se ligji 162/2020 ”Për prokurimin publik” është përafshuar pjesërisht edhe me Direktivën e Këshillit 89/665/KEE, datë 21 dhjetor 1989 “Mbi koordinimin e ligjeve, rregulloreve dhe dispozitave administrative në lidhje me zbatimin e procedurave të rishikimit për dhënien e kontratave të furnizimit publik dhe punëve publike”, e ndryshuar”. Numri CELEX 31989L0665, Fletorja Zyrtare e Bashkimit Europian, Seria L, nr.395, datë 30.12.1989, fq. 33. Në dritën e direktivës, ekzistojnë dy kushte të përmendura në lidhje me qasjen në procedurat e rishikimit (neni 1 (3): "Procedurat e rishikimit duhet të jenë në dispozicion (...) të paktën për çdo person

që ka ose ka pasur interes për të marrë një kontratë të veçantë dhe që ka qenë ose rrezikon të dëmtohet nga një shkelje e pretenduar". Në nenin 94 pika 1 të Vendimit të Këshillit të Ministrave nr. 285, datë 19.05.2021 "Për miratimin e rregullave të prokurimit publik" parashikohet se: "Çdo person, që ka ose ka pasur interes në një procedurë prokurimi dhe kur është dëmtuar ose rrezikohet të dëmtohet nga një vendim i autoritetit kontraktor, që bie në kundërshtim me LPP, mund ta kundërshtojë këtë vendim." Në interpretim literal, sistematik dhe teologjik me synim vendojsen në pah të ratio legis, mbështetur edhe në parimin e e së drejtës se ratio legis est anima legis, (qëllimi i ligjit është edhe shpirti i ligjit), interesi i ligjshëm i operatorëve për të paraqitur ankim pranë autoritetit kontraktor si edhe pranë Komisionit të Prokurimit Publik duhet të të jetë dëmtuar ose rrezikohet të dëmtohet nga një vendim i marrë nga autoriteti kontraktor në kundërshtim me ligjin e prokurimit publik. KPP thekson se, fakti se nëse një ose disa produkte të një ose disa prodhuesve vendas ose ndërkombëtarë nuk përmbushin minimumin e specifikimeve teknike të përcaktuara nga ana e autoritetit kontraktor nuk përbën një kusht sine qua non, se specifikimet teknike janë hartuar në kundërshtim me ligjin për prokurimin publik. Komisioni i Prokurimit Publik gjykon se, në rastin konkret ndodhemi në kuptimin klasik të barrës së provës referuar parimit juridik onus probandi incubit actor (barra e provës i bie kërkuesit) si edhe në përputhje me nenin 82 pika 1 të ligjit nr.44/2015 "Kodi i Procedurave Administrative i Republikës së Shqipërisë", në të cilin parashikohet se: "në procedurat administrative, të filluara me kërkesë të palës që inician procedurën, barra e provës për faktet e pretenduara bie mbi këtë palë, pavarësisht nga detyrimi i organit publik për të vënë në dispozicion të palëve provat e zotëruara prej saj". Pra, operatorët ekonomikë duhet të argumentojnë/dëshmojnë se specifikimet teknike të hartuara nga autoriteti kontraktor janë në kundërshtim me ligjin e prokurimit publik dhe jo mbi faktin se këto të fundit nuk plotësohen nga një ose disa prodhues kombëtar/ndërkombëtarë me reputacion.

III.4.6.Lidhur me pretendimin e ankimuesit "SoLed" SHPK, për modifikimin e dokumentave të tenderit, konkretisht shtojcën 6 "Formulari i specifikimeve teknike" duke kërkuar që për artikullin 67 "Xhel shumëpërdorimësh" të përfshihet edhe forma "likuid", Komisioni konstaton, se në shtojcën nr. 6 "Formulari i specifikimeve teknike", autoriteti kontraktor ndër të tjera ka kërkuar: *Xhel shumëpërdorimsh per desinfektimin e duarve te personelit mjekesor , Antiseptik i shpejte dhe efektiv, i gatshem për ta përdorur , pa nevojën përdorimin e ujit per shplarje. Te furnizohet ne ene 1 - 3 liter te pajisura me dozator..* Komisioni i Prokurimit Publik, gjykon, se autoriteti kontraktor është në të drejtën e tij për të përcaktuar kritere dhe specifikime teknike në lidhje me produktet e kërkuara, si dhe të kërkojë që produktet objekt-prokurimi të jenë të cilësisë maksimale. Komisioni gjykon, se bazuar në specifikat e veçanta të artikullit objekt prokurimi si dhe bazuar në përdorimin e saj, autoriteti kontraktor referuar shkresës me nr. 832/10 prot., datë 18.03.2026, protokolluar me tonën me nr. 717/2 prot., datë 19.03.2026 ka sqaruar se përbërja e desinfektantit të jetë në trajtë xheli, pasi kryen efekt antiseptic pa nevojën e përdorimit të ujit, i cili mendohet se mund të ketë aftësi më të mira dezinfektuese. Ndërkohë nga ana tjetër operatori ekonomik nuk ka argumentuar teknikisht se si ky specifikim teknik është hartuar në kundërshtim me ligjin për prokurimin publik dhe se si ky specifikim ngushton konkurrencën apo drejton drejt një marke të caktuar. Komisioni i

Prokurimit Publik, gjykon se, autoriteti kontraktor është organi përgjegjës për procedurën e prokurimit dhe është përgjegjësi e tij të përcaktojë kritere që janë në funksion të realizimit me sukses të kontratës. Rrjedhimisht autoriteti kontraktor është në të drejtën e tij për të përcaktuar kritere dhe specifikime teknike në lidhje me produktin e kërkuar, por pa përcaktuar kritere/specifikime teknike të cilat të çojnë drejt një marke të caktuar, apo që nuk ndikojnë në performancën e produktit, pasi përcaktime të tilla janë diskriminuese dhe përjashtuese nga pjesëmarrja në procedurë të operatorëve ekonomikë të interesuar. Në rastin konkret kemi të bëjmë me formën e kërkuar të produktit që mund të jetë xhel apo likuid, forma të cilat në të dyja rastet janë lehtësht të gjendshme në treg dhe të markave të ndryshme. Në asnjë moment autoriteti kontraktor nuk duhet të vendose kritere apo të hartojë specifikime teknike të cilat të drejtojnë në një emër të caktuar marke apo prodhuesi, duke u bërë kështu përjashtues për operatorë të tjerë. Vlen të theksojmë se nga ana e autoritetit kontraktor referuar shkresës me nr. 832/10 prot., datë 18.03.2026, protokolluar me tonën me nr. 717/2 prot., datë 19.03.2026 ka argumentuar teknikisht se përse është i rëndësishëm ky specifikim teknik për pajisjen e kërkuar, duke argumentuar provuar ligjërisht dhe teknikisht se specifikimet e hartuara prej tij nuk e kufizojn pjesëmarrjen e operatorëve ekonomik dhe nuk i adresojnë ato vetëm tek një prodhues dhe se ndryshimi i tyre ndikon në funksionalitetin e pajisjes dhe në qëllimin e përdorimit të saj.

### **Sa më sipër, pretendimi i operatorit ekonomik ankimues nuk qëndron.**

Për sa më sipër, në mbështetje të neneve 30 pika 1, 115 pika 1 dhe 3 si dhe neni 118 të ligjit nr. 162/2020 *“Për Prokurimin Publik”*, Vendimit të Këshillit të Ministrave nr. 285, datë 19.05.2021 *“Për miratimin e rregullave të prokurimit publik”* i ndryshuar, Vendimit të Këshillit të Ministrave nr. 236, datë 20.04.2023 *“Për përcaktimin e rregullave dhe tarifës së pagesës për ankimin në një procedurë prokurimi pranë komisionit të prokurimit publik”*, Vendimit të Komisionit të Prokurimit Publik Nr. 766/2021, datë 13.10.2021 *“Për miratimin e rregullave “Për Organizimin dhe Funksionimin e Komisionit të Prokurimit Publik”*, Neni 4, të Vendimit të Komisionit të Prokurimit Publik nr. 500/2020 datë 5.11.2020 *“Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”*, Komisioni i Prokurimit Publik, njëzëri,

### **Vendosi**

1. Të mbyllë çështjen për pjesën e pranuar të ankesës e paraqitur nga operatori ekonomik “SoLed” SHPK për procedurën e prokurimit “Procedurë e hapur, mbi kufirin e lartë monetar – Mallra – Prokurim me mjete elektronike, Marrëveshje kuadër me një operator ekonomikë, ku të gjitha kushtet janë të përcaktuara, me afat 12 muaj nga nënshkrimi”, me REF-77193-02-24-2026 me objekt: “Blerje materiale mjekimi konsumabel dhe kirurgjikale”, me fond limit 16,341,122.67 (gjashtëmbëdhjetë milion e treqind e dyzet e një mijë e njëqind e njëzetë e dy pikë gjashtëdhjetë e shtatë ) Leke

pa TVSH ose 169,654.51 (njëqind e gjashtëdhjetë e nëntë mijë e gjashtëqind e pesëdhjetë e katër pikë pesëdhjetë e një) Euro Pa TVSH, parashikuar për tu zhvilluar në datën 27.03.2026 nga autoriteti kontraktor, Operatori i Blerjeve të Përqendruara sh.a

2. Të pranojë pjesërisht ankesën e paraqitur nga operatori ekonomik “SoLed” SHPK për procedurën e prokurimit “Procedurë e hapur, mbi kufirin e lartë monetar – Mallra – Prokurim me mjete elektronike, Marrëveshje kuadër me një operator ekonomikë, ku të gjitha kushtet janë të përcaktuara, me afat 12 muaj nga nënshkrimi”, me REF-77193-02-24-2026 me objekt: “Blerje materiale mjekimi konsumabel dhe kirurgjikale”, me fond limit 16,341,122.67 (gjashtëmbëdhjetë milion e treqind e dyzet e një mijë e njëqind e njëzetë e dy pikë gjashtëdhjetë e shtatë ) Leke pa TVSH ose 169,654.51 (njëqind e gjashtëdhjetë e nëntë mijë e gjashtëqind e pesëdhjetë e katër pikë pesëdhjetë e një) Euro Pa TVSH, parashikuar për tu zhvilluar në datën 27.03.2026 nga autoriteti kontraktor, Operatori i Blerjeve të Përqendruara sh.a
3. Autoriteti kontraktor të modifikojë dokumentet e tenderit në përputhje me konstatimet e mësipërme të Komisionit të Prokurimit Publik, si dhe të publikojë të gjitha ndryshimet dhe sqarimet në Sistemin Elektronik të Prokurimeve
4. Autoriteti kontraktor brenda 5 ditëve të vërë në dijeni Komisionin e Prokurimit Publik për zbatimin e këtij vendimi
5. Ngarkohet zyra e financës, që të bëjë kthimin e tarifës financiare të paguar nga operatori ekonomik “SoLed” SHPK.
6. Kundër këtij vendimi, mund të bëhet ankim në Gjykatën Administrative të Apelit
7. Kopje e këtij vendimi t’i dërgohet Agjencisë së Prokurimit Publik.

Ky vendim hyn në fuqi menjëherë.

## KOMISIONI I PROKURIMIT PUBLIK

**Anëtar**  
**Anila Malaj**

**Anëtar**  
**Gjergj Mersini**

**Nënkryetar**  
**Fiorent Zguro**

